

光緒山西通志

府州廳縣考五

考一之五

山西通志第二十七

賜進士出身頭品頂戴兵部侍郎兼都察院右副都御史巡撫山西提督軍務張勳奏

旨監修

河東道二

解州 絳州 隰州 霍州

解州

中缺  
繁維

禹貢冀州之域春秋晉解邑

後志博物志有智城

及曰衰地亦曰日城

大夫曰季邑

方輿紀要在州西北

戰國屬魏曰涿澤

括地志濁澤出解縣東北平地即承

水也濁音涿史記趙成侯六年伐魏取涿澤

漢置猗氏縣兼解縣地

師古曰音蟹

隸河

東郡後魏太和元年析解置安定縣十一年改解曰北解縣

又別置南解縣於凍南

在今州西二十里

仍隸河東郡周明帝武成

二年廢南解縣時安定亦廢乃別置綏化縣於廢南解城西

北五十里兼置綏化郡治焉武帝保定元年郡廢改綏化縣

曰虞鄉又別置解縣於廢南解縣城東二十里女鹽池西北

卽今州治漢猗氏縣地隋大業元年省解縣入虞鄉九年自綏化故城

移虞鄉於廢解縣治唐武德元年改虞鄉曰解縣爲次畿屬

虞州仍於縣西五十里蒲州界別置虞鄉縣貞觀十四年廢

虞州解縣屬蒲州十七年省解縣入虞鄉二十二年復置隸

河中府仍省虞鄉入解縣天授二年復析解縣置虞鄉漢乾

祐元年九月蒲帥李守貞反權監置制使鄭元昭奏請於解

縣置解州割河中及絳州之聞喜安邑解三縣屬焉而治解

縣宋解州解郡爲中州置防禦金志宋慶成軍防禦領縣仍舊解爲中

縣屬陝西路金初置解梁郡軍後廢爲上刺史領縣六解縣

爲倚貞祐二年復升州爲節鎮軍名寶昌興定四年徙治平

陸縣屬河東南路元仍名解州爲下州領縣六仍治解縣爲下縣至元四年併司侯司入縣隸平陽路明省解縣入州隸平陽府仍領縣

國朝因之雍正二年升爲直隸州析平陽府之安邑夏縣平陸芮城垣曲來屬七年以垣曲改隸絳州編戶三十里領縣四

安邑縣 夏縣 平陸縣 芮城縣

謹案漢解縣之境據後志稱有桑泉城有曰城有解城有瑕城劉注又引杜預說有郇城觀注所明方位里數證以道元諸家之說皆在涑水之北爲今猗氏臨晉二縣地而猗氏漢縣則在涑南據道元稱南對女鹽澤則正今日解州之地而諸所稱故解城又皆

在今猗氏縣境蓋二縣分置涑水南北漢縣則解在北而猗氏在南今縣則解在南而猗氏在北正相反矣攷自元魏分南北二解於是涑南始有解城洎北解省入猗氏而涑北之解遂不復見是後桑泉別立爲縣而北解之境盡入今猗氏臨晉二縣然南解之境猶是故解地也南解廢而綏化置又改爲虞鄉而涑南之解亦不復見乃又別置解縣於虞鄉東由是而解再移於涑南而故地盡失不得不東取故猗氏地以爲幅員之廣也而猗氏亦非其舊蓋不惟非古之解抑且非漢之解矣攷後漢志稱有解城則是古之解城與漢縣不同地也而元和志臨晉縣古解城水春秋時解梁城

案此語誤解梁本二邑左傳有解梁楊解張梁由臨梁蓋耳梁丙

志立爲一非可證又爲漢解縣城也在縣東十八里則合二城爲一明與後志乖亦與道元所稱故城者不合志又稱桑泉故城在縣東一十三里是在故解城西五里也證以後志注引杜預說桑泉城在解縣西二十里則當時之解縣在今臨晉縣東三十三里必非此東十八里之故城則此爲春秋之解城無疑亦卽後志之解城也以地望準之漢解縣當在今猗氏西七里而近也

州城 隋大業九年始建元至正間重修明洪武初展築景泰宏治正德間屢修之周九里十三步高六丈厚三丈五尺池闊十丈深二丈五尺門四各建城樓四隅各建角樓嘉靖二十四年甄發堞口天啓末增建舖舍

州境 在省治西南九百三十里

東西廣二百二十五里南北袤一百二十里

東至絳州垣曲縣界二百五里 西至蒲州府虞鄉縣界二十里 南至河南靈寶縣界黃河岸六十里 北至蒲州府猗氏縣界三十里 東南到陝州黃河岸一百里 西南到河南閿鄉縣界一百二十里 東北到絳州聞喜縣界一百二十里 西北到蒲州府臨晉縣界三十里 自州治至京師一千四百五十里

本州境 東西廣五十五里南北袤五十里

東至安邑縣界曲村三十里 西至蒲州府虞鄉縣界席張村二十五里至蒲州府永濟縣治一百二十里 南至芮城縣界橫嶺二十里至黃河九十里 北至蒲州府猗氏縣界

曲磬村三十里荷氏縣治六十里 東南到平陸縣界中條  
山嶺四十五里平陸縣治九十里 西南到芮城縣界董聖  
村十里芮城縣治七十里 東北到安邑縣治五十五里  
西北到蒲州府臨晉縣界西圪顏村三十里臨晉縣治七十  
里

州判駐運城

巡檢司在長樂鎮

鄉鎮 東鄉長樂鎮十里 西鄉西王鎮十五里

舖遞 總舖在城 南路洪昌十里 西路胡村十里 席張二十里

東路長樂十里 張耿二十里

道徑 東經柳馬村十五里至曲村安邑縣界三十五里西  
至席張村二十五里抵虞鄉縣界又至蒲州府永濟縣一百



二十里南由百家莊十里董家莊十五里又五里至橫嶺抵芮城縣界又九十里至黃河岸北至曲轆村三十里猗氏縣六十里孔道也達芮城爲山路餘多坦平

安邑縣

夏缺  
衝繁難

今分守河東道治運城

虞舜舊都安邑

晉地理志及  
太康地道記

及鳴條地

在縣北  
三十里

後爲夏禹都

帝王世紀又通典堯舜舊都據  
此是謂唐虞夏三代皆都此也

春秋屬晉爲苦城邑三家屬

魏魏絳自魏始徙此戰國爲魏都至惠王三十一年乃徙大

梁秦昭襄二十一年魏獻安邑始置河東郡漢置安邑縣仍

爲河東郡治莽曰河東北魏神鼎元年郡移治蒲坂又徙安

邑於夏禹舊城西四十里爲河北郡治太和十一年於縣置

安邑郡又分置南安邑縣改縣曰北安邑十八年復屬河北

郡後周置安邑郡隋開皇十六年於縣置虞州大業初州廢  
縣隸河東郡義甯元年於縣置安邑郡以安邑虞鄉夏屬焉  
唐次業武德元年廢郡改爲虞州又析安邑及聞喜縣置桐  
鄉縣三年又析安邑南境置興樂縣屬泰州貞觀元年省十  
七年州廢省桐鄉入聞喜以安邑解屬河東郡至德元載更  
曰虞邑乾元二年隸陝州大厯四年復故名元和三年改屬  
河中府五代漢屬解州宋縣元下並屬明隸平陽府解州  
國朝因之雍正二年直隸解州編戶舊九十五里今四十一  
里

附  
運城

古鹽販之澤春秋謂之鹽邑曰苦城

苦城卽鹽城詩王事靡盬段鹽爲苦也故周官

有苦鹽卽此鹽鹽矣惟潞鹽以待戒令乃正字耳說文鹽古  
河東鹽池長五十一里廣七里周百一十六里案此亦有誤

當為若也河東安邑鹽池云云若也者以同音訓話也全書  
例然為為古又脫也致不可讀且古河東亦不詞知河東安  
邑者全書例舉本朝縣為言如錦襄邑織文也毫京兆為  
世陵亭也鄆河內水鄉也之煩皆不稱古名可證也

晉大夫卻氏采地戰國曰鹽氏方輿紀要司鹽城縣西二十

秦本紀昭襄王十一年齊韓魏趙宋中山共攻秦至鹽氏而

還漢育司鹽都尉治此因名司鹽城今亦名路村河東陝西

都轉鹽運漢為司鹽城安邑倚氏二縣地有鹽官邑司鹽都

尉治此城領兵千餘人守之其後罷尉司分兩縣地置監鹽

縣於此城水經注晉解縣地東入倚氏鹽池在其境唐解與安

邑大池謂之兩池置兩池榷鹽使隸度支尚書歲收利一百

六十萬貫五代因之宋置河東轉運使陝西轉運使提舉制

置解鹽司金分河東南路轉運使河東北路轉運使元初置

都轉鹽運使司中統二年改轉運使置提舉解鹽司至元二

年罷運使命有司掌其務尋復置二十二年立陝西都轉鹽

通使罷解鹽司二十九年始建城

俗呼鳳皇城一口路村

徙鹽運使司

治此延祐六年改爲河東陝西等處都轉鹽運使司又設同

知副使運判各一員

宋河東陝西分置使至此始合

初分池爲八場曰方集

常滿鹽北青鼻分雲紫泉下封資國後爲四場東池二曰常

滿鹽北西池二曰紫泉會商設官四員三鹽池一領縣事明

設河東陝西都轉鹽運使司鹽運使裁四場爲東西二場設

運學教授訓導各一員天順四年令山西按察司分巡該道

官兼巡視河東鹽池成化間添中場爲三場每場設官二員

又改同知爲運同駐池南管南場副使爲運副駐安邑管東

場運判駐解州管西場九年差監察御史一員巡鹽河東一

年任滿

國朝因之罷三場場官設東中西三場大使各一員順治五

年鹽運司始頒專敕康熙六年始兼理鹽法道事七年巡鹽御史差滿漢各一員十一年不分滿漢止差一員十六年裁運同運副運判二十四年復設運判雍正元年以川陝總督兼巡鹽御史二年改運判爲運同三年以陝西西安布政使管理鹽務罷御史四年以西安按察使管理八年仍以西安布政使帶管十三年設河東鹽政定爲滿漢科道司員差缺仍一年任滿乾隆二十七年移解州州判駐城四十三年罷鹽政差以山西巡撫兼鹽政五十七年裁鹽運使移河東兵備道自蒲州治此仍兼鹽法道事其年並裁運同及運學教授嘉慶十三年移安邑縣訓導於此管商學十六年設監掣同知及三場鹽課大使

縣城 後魏始建明景泰初重修周六里十三步高三丈五

城深一丈有奇門四東曰迎慶南曰南薰西曰永甯北曰拱辰各建重樓四隅角樓各一窩鋪各二隆慶間築東西二月城

運城 元至正二十九年運使那海德俊建名鳳凰城周一千七百丈計九里十三步高二丈池深七尺門四各構樓四楹其上明天順間修正德六年增高數尺題其門東曰放曉南曰聚寶西曰留暉北曰迎渠嘉靖三年輒毀東面四年繼毀西面十三年復葺其北十八年葺其南兼修四門重樓城角各增望樓四周增臺鋪各一十九二十年建外城萬厯間重修崇禎間先後加增立敵臺

國朝順治十年運使陳詰修康熙十三年御史何元英增修二十四年御史李時謙加修運使張鵬翮續奉直省通行繕

修之旨增修完固自爲記光緒二年河東道升泰修四城樓  
兵部主事王軒爲記

鹽池城 在運城南一里俗名禁城明成化十年因舊基築  
周一萬七千四百二十二丈高一丈六尺厚六尺門三中曰  
祐寶東曰育寶西曰成寶嘉靖十五年重修萬厯四十年又  
修

國朝定制隨時繕葺

縣境 在州東北五十五里

東西廣四十五里南北袤七十五里

東至夏縣界裴介鎮二十里 西至解州界八里鋪二十三  
里少南至解州治五十五里 南至平陸縣界青石槽三十  
二里 北至蒲州府萬泉縣界周家莊四十三里少西至萬

泉縣治九十里 東南到夏縣界王谷口五十里到平陸縣  
治九十里 西南到解州界曲村五十五里到芮城縣治一  
百三十里 東北到夏縣界二十七里夏縣治四十五里到  
絳州聞喜縣治九十七里 西北到蒲州府猗氏縣治五十  
五里

巡檢司一在鹽池南常平村一在聖惠鎮

鄉鎮

南鄉聖惠鎮

五里

北鄉霍趙鎮

十里

北鄉鎮

三十里

泓芝

鎮

四十里

陶村集

十五里

驛站

泓芝驛

極衝

在泓芝鎮東至聞喜縣涑川驛九十里

西至臨晉縣樊橋驛七十里見額馬七十七匹馬夫三十八

名半廩夫九十名

舖遞

總舖在城

南路聖惠

五里

賀村里

八里

北路霍趙

十里

下



郭二十西湯

三十里

古村里

四十里

泓芝

五十里

東北路陶村

十五里

西北路孫塢

四十里

東南路廓下

七里

李莊

十一里

北路

十六里

李店

六十里

西王

三十里

道徑

東經裴介鎮二十里抵夏縣四十五里西至解州界

八里鋪二十三里南至平陸縣青石槽界三十二里北由薛

村六十里至萬泉縣一百一十里孔道也

夏縣

中缺

古韓國夏禹所都也春秋晉王官地

水經注涑水又西南逕左邑縣故城南涑水又

西逕王官城北城在南原上今世人猶謂其城曰王城也又西南過安邑縣南

漢爲河東郡安邑縣

兼聞喜縣西境地後魏神麀元年始於禹都舊城西四十里

別置安邑縣太和十一年分安邑東地於夏禹都舊城南十

五里置南安邑縣隸秦州河北郡十八年更爲夏縣以禹舊

都故名後周隸安邑郡隋開皇初郡廢縣隸河東郡義寧元  
元年隸安邑郡唐望初屬虞州貞觀十七年隸絳州大足元  
年改屬陝州尋還隸絳州乾元三年復屬陝州都督府五代  
漢乾祐元年仍隸陝州宋上同金貞祐三年改隸解州元下  
同明隸平陽府解州

國朝因之雍正二年直隸解州編戶舊六十六里今二十四  
坊里

左傳莊公十五年冬十有一月壬戌晉侯及秦伯戰于韓  
獲晉侯後漢志河北有韓亭通鑑前編禹踐天子位  
于韓

通志安邑卽韓國也

謹案左傳杜注韓晉地不言所在近儒亭林顧氏以

涉河侯車敗三敗及韓二語證爲河東地力闢韓城之說之非其言良是世多從之而終未能明其所在郡國志河北有韓亭地望頗合而其境僻隘似非用武之區故疑當以安邑之韓爲定又案禹都安邑自古無異說攷元和志魏於禹舊都城南十五里置南安邑縣後改夏縣以城爲名今在境內謂之禹王城當卽古韓國夏縣本安邑地故可以謂安邑爲韓今旣分縣自當專屬之夏也

縣城 後魏太和中建明景泰初增築周五里一百三十七步高三丈五尺池深五尺門四正德間重修嘉靖間地震城圯重修高厚於舊增崇北門樓輒甃四面女牆隆慶間蓮池水漲西北隅時圯補築並修護城堤萬曆十八年峻南門五

尺改建重樓崇禎三年加高厚各五尺

國朝康熙四年知縣羅于廷重修二十一年知縣史晟加修四十六年知縣蔣起龍繼修

縣境 在州東北一百里

東西廣一百一十里南北袤九十里

東至絳州垣曲縣界楸木溝七十里垣曲縣治一百里平陸縣界西山頭村一百二十里 西至絳州稷山縣界鄭家莊七十里 南至安邑縣界吉家莊二十五里王峪口鎮四十里少西至平陸縣治一百二十里 北至絳州聞喜縣界上晁村四十里 東南到平陸縣界三橋鋪二十里 西南到安邑縣界師馮村二十七里安邑縣治四十五里 東北到垣曲縣界馬家廟五十五里到聞喜縣治五十五里 西北

到聞喜縣界泊頭村四十里到稷山縣治一百二十里

鄉鎮

東鄉尉郭鎮

里十

胡張鎮

里二十

堰掌鎮

里二十

西鄉裴

介鎮

里十五

官莊鎮

里三十

北鄉水頭鎮

里三十

曹張鎮

里三十

舖遞

總舖在城

南路小呂

里十

楊村

里二十

秋風

里三十

三橋

三十

北路尉郭

里十

西陰

里二十

胡張

里三十

泊頭

里四十

西路牛

家窰

里三十

常村

里四十

西北路水頭

里三十

曹張

里三十

道徑

東南至平陸縣一百一十里南至安邑四十里北渡

涑水河至聞喜五十五里孔道也東北至馬家廟界五十五

里和耀村七十里凡一百八十里至垣曲縣皆崇山峻嶺西

至郭家莊界七十里莊裏村八十里凡一百三十里至稷山

縣小徑也

平陸縣

簡缺

故夏墟周武王封虞仲爲虞國

在縣東北四十五里

春秋又屬號爲下

陽

在大陽故縣東北三十里

與虞之鄭邑

在縣東北二十里

地後屬晉爲茅邑津

曰茅津戰國屬魏漢置大陽縣隸河東郡莽曰勤田又爲河

北縣地後魏二縣均隸秦州河北郡太和十一年自河北縣

移郡治大陽後周廢大陽縣仍改置河北縣於大陽城西五

十里吳山之西郡仍治焉

方輿紀要秦武成二年改河北爲永樂芮城之河北亡矣隋志之河

北則大陽也而不見秦大陽與改置河北之文顧氏未知何據今從之

隋開皇三年罷河北郡

縣屬河東郡義甯元年屬安邑郡唐

望

隸芮州貞觀元年隸

陝州天寶三載陝郡太守李齊物開三門以利漕運得古刃

有篆文曰平陸因改宋仍隸陝州金隸解州興定四年徙解

州來治元

下

縣併入芮城後復分置明隸平陽府解州

國朝因之雍正二年直隸解州編戶舊二十五里今八里又

二鹽里

舊通志平芮界辨唐志陝州陝郡本宏農郡義甯元年置武德元年曰陝州三年兼置南韓州四年廢南韓州天寶元年更郡名天祐元年爲興唐府縣次畿赤哀帝初復爲大都督府領縣六陝陝石靈寶夏芮城平陸是夏芮城平陸今日屬解者唐屬陝也且陝縣注有大陽關卽茅津一曰陝津貞觀十一年造浮梁有南北利人渠今茅津北岸屬平陸則平陸亦兼有唐之陝縣地矣平陸南岸界陝州西南到靈寶東南到澠池芮城南岸界閩鄉西南到華陰潼關東南到靈寶此今日二邑與河陝之分皆以河爲界也

縣城

距古虞城六十里金興定間建明景泰初增築周二

三十步高二丈有奇厚如之池深一丈有奇闊如之門三  
上各建樓櫓東曰傳說故里南曰虞芮質成北曰泰伯至德  
惟北有重門宏治八年修各門城樓闢新南門曰大成塞其  
舊嘉靖閒修東城樓新三門並雉堞郭門崇禎閒築外郭環  
繞五里

國朝康熙五年知縣李德論建樓於東郭題曰龍岡聳秀十  
七年北城雨圯知縣柴應宸修之並四面雉堞四十三年知  
縣董之燧增設窩舖重修南北城樓

縣境 在州東南九十里

東西廣二百三十里南北袤七十三里

東至絳州垣曲縣界瓦石灘一百八十里少北至垣曲縣治  
二百三十里 西至芮城縣界儀家溝五十里芮城縣治一



百里 南至河南陝州界黃河岸三里少東至陝州治五里  
北至安邑縣界青石槽七十里少西至安邑縣治九十里  
東南到陝州會興頭黃河界二十里到陝州硤石驛七十  
里到河南河南府澠池縣治一百四十里 西南到陝州靈  
寶縣黃河界四十里靈寶縣治六十里 東北到夏縣界三  
橋坡八十里夏縣治一百三十里 西北到解州界橫嶺四  
十里解州治九十里

縣丞駐茅津鎮

鄉鎮 東鄉茅津鎮二十里 西鄉張谷鎮十五里 常樂鎮二十里

葛趙鎮四十里 南鄉店頭鎮二里 北鄉張店鎮七十里 洪池鎮四十里

舖遞 總舖在城 南路大陽一里 西路洪陽四十里 東路

茅津里一百二十里  
舊鋪北路有盤南白

道徑 幹橋張店晉伐虢要道坡頭亦非坦途

芮城縣簡缺

古魏國殷季又爲虞芮二國界地周仍爲魏國春秋魯桓公三年芮伯萬爲其母所逐出奔魏築城居之因號芮城後晉獻公滅魏以封大夫畢萬後徙安邑戰國仍屬魏漢置河北縣於故魏城隸河東郡姚秦置河北郡治焉後魏太和十一年移河北郡治大陽縣仍屬西魏分河北縣之芮城地東三十里置安戎縣後周明帝二年移安戎縣於此尋改爲芮城縣以縣西二十里故芮城爲名太平記武成二年又改河北爲永樂縣兼置永樂郡隸焉保定二年省永樂入芮城縣隋初仍屬永樂郡開皇十五年郡廢縣隸河東郡唐望武德元年

復置永樂郡二年以芮城河北永樂置芮州貞觀元年州廢

改隸陝州宋

中下同

金隸河東南路解州元

下

隸晉甯路解

州至元間併平陸縣入焉元貞初復分置明隸平陽府解州

國朝因之雍正二年直隸解州編戶舊四十四里今十里

左傳桓公三年冬芮伯萬之母芮姜惡芮伯之多寵人也

故逐之出居於魏杜注芮國在馮翊臨晉縣魏國河東河

北縣

又

四年秋秦師侵芮敗焉小之也冬王師秦師圍魏

執芮伯以歸

又

九年秋虢仲芮伯梁伯荀侯賈伯伐曲沃

又

十年秋秦人納芮伯萬於芮

又

昭公九年我自夏以后

稷魏駘芮岐畢吾西土也

史記周本紀注

地理志虞在

河東大陽縣芮在馮翊臨晉縣

又

秦本紀德公元年梁伯

芮伯來朝繆公二十年秦滅梁芮漢書地理志左馮翊臨

晉故大荔秦獲之更名有河水祠芮鄉故芮國又河東郡  
河北詩魏國後漢書郡國志左馮翊臨晉本大荔有河  
水祠有芮鄉注古芮國與虞相讓者又河東郡河北詩魏  
國水經河水又東過河北縣南注河水又東永樂澗水  
注之水北出於薄山東流逕河北縣故城西故魏國也晉  
獻公滅魏以封畢萬後乃縣之在河之北故曰河北縣也  
河水自河北城南東逕芮城二城之中有段干木冢下引  
汲冢竹書紀年曰晉武公元年尙一軍芮人乘京荀人董  
伯皆叛匪直大荔故芮也此亦有焉紀年又云晉武公七  
年芮伯萬之母逐萬萬出奔魏八年周師虢師圍魏取芮  
伯萬而東九年戎人逆芮伯萬於郊斯城亦或芮伯之故  
也太平寰

晉

水作畫朱

也

地形志河北郡河北有芮城

太平寰

宇記芮城縣故芮城在縣西二十里芮伯作旅巢命注云  
芮伯周同姓畿內之國爲卿大夫左傳注芮國在馮翊臨  
晉縣也古魏城縣北五里閒原在縣西六十里東西七里  
南北十三里

方輿紀要古芮城縣西三十里商時芮伯封此與虞爲鄰  
國文王爲西伯虞芮質成是也周時芮爲同姓國其封地  
在今陝西同州春秋桓三年芮伯萬爲母所逐出居於魏  
謂卽此城云今名鄭邨

劉良臣曰芮姬姓伯爵蓋自夏商以來若耿國類非周  
初始封也山西通志據河東夫芮王廟記本陸德明周  
非同姓不封之說謂周初封同姓不知當封之時質成  
於文王者又何人也稽之傳記皆曰姬姓無周封字也

或曰朱文公魏詩傳亦曰周初封同姓廟記蓋本於此  
曰文公就畢魏而言蓋畢萬乃文王第十五子畢公高  
之後畢在今長安國絕至萬爲晉大夫伐魏取之獻公  
以其地爲萬采邑卽芮地也芮之稱魏以芮伯萬爲其  
母所逐秦人納之居於魏相去裁一舍芮伯城西二十里鄭村魏文侯  
城北遂不稱芮而稱魏猶魏侯營遷梁稱梁也文公以  
非義理精微未及詳考

馬淑援曰解舊志載州西南六十里有魏故城今隸芮  
地又畢萬墓在焉以爲古魏近之矣但史記未言古魏  
所在水經注言魏城處山河之間亦未指定古魏而芮  
地又相傳河北城爲文侯城意此卽古魏城乎議者以  
城在今芮遂謂芮卽古魏不知古魏芮本比鄰國晉初

以賜萬芮芮并入於魏則其後也况國風葛屨諸什皆魏末滅時詩朱子於魏風下明注解卽其地在析城西雷首北是確指解爲古魏矣

舊通志芮魏辨據劉良臣謂魏卽芮而馬淑援又謂古魏在解按鄭康成詩譜魏在禹貢冀州雷首之北析城之西南枕河曲北涉汾水四至甚分明詩彼汾沮洳河水清且漣漪等語可證古魏地廣芮適在析城雷首河曲之中則不得以魏專屬解州境而遂居於魏遂稱魏而不稱芮其說尤可味也

舊通志芮城界辨芮在漢以後晉名河北屬河東郡後魏屬河北郡漢臨晉隸左馮翊注云秦獲大荔更名有河水祠芮鄉故芮國後漢書注與虞讓國周本紀注亦

云芮在馮翊臨晉縣按二國相讓間田在今平芮界漢  
重泉臨晉在河西豈古芮地統轄於古臨晉自今永濟  
城西以達南東有芮里皆古臨晉屬乎後魏注河北云  
二漢晉屬河東有芮城立城塢水首陽山伯夷叔齊墓  
則永濟城南地舊多隸芮而芮又屬河東郡何以稱焉  
隋書注云舊置安戎後周又置永樂郡後省入芮與永  
濟地分合無定而唐武德二年以芮城河北案此非漢  
訖後魏之  
河北永樂置芮州貞觀元年州廢以永樂隸鼎州芮城  
河北屬陝郡宋因之金乃改與平陸均隸解云

謹案芮之見於經者尙書之芮伯詩之芮良夫皆以  
畿內諸侯入爲卿大夫者所謂魏駘芮岐畢吾西土  
四國皆在河西惟魏居河東然密邇鄰國僅隔一水



故左氏傳芮伯萬爲母所逐出奔於魏地近故也當時魏蓋別築一城以居寄公然未久王師卽取以歸雖納與適左傳紀年有秦人戎人之不同而其未久於此則彰彰也芮之封國未知所始大抵夏殷舊邦也質成而後方感聖化必無卽取滅亡之理且亦未見周封同姓之據而其歷世爲王官則有明證其封地在河西據兩漢志左傳注史記注水經注太平記引杜注諸書咸稱在馮翊臨晉縣自來無異詞而河北縣二志但云詩魏國蓋兩國自畫然分疆也自地形志稱河北有芮城水經注又詳言之雖知有大荔之芮而語涉騎牆後人遂誤以出奔暫居之城當茅土初胙之國於是一縣之地二十餘里之境乃有二

都城矣近人紛紛辨證卒匙折衷惟顧氏景范爲得其實然其分商之芮國周之芮國爲二仍以此城爲封國終屬調停之見耳至太平記稱芮爲晉所滅更誤此仍襲前說而臆斷之以爲晉旣滅魏豈能留此臥榻之逼處況是後傳更不見芮事而河東又皆晉地也攷左氏傳桓九年芮伯梁伯伐曲沃史記秦本紀再書芮伯梁伯來朝至繆公二十年秦滅梁芮而止前此每梁芮並稱蓋二國同在河西晉齒相依故無役不偕至繆公蠶食梁國魚爛亦如虞之不臘晉不再舉也則芮自滅於秦耳於晉何與焉此又可爲芮在河西之切證也

縣城

後周明帝二年改立縣治始建明洪武初增修周三

里二百六十六步高二丈池深七尺門四東曰通津南曰望  
闕西曰昇仙北曰禮賢正統十四年修正德七年重修嘉靖  
七年甃登城門二十二年增敵臺浚池萬厯十四年甃登女  
牆四十年創建月城天啟六年重修崇禎十三年甃登未竟  
國朝康熙四十六年知縣邵璿重修

縣境 在州西南七十里

東西廣七十里南北袤五十里

東至平陸縣界儀家溝五十里平陸縣治一百里 西至蒲

州府永濟縣界陳家村二十里風陵渡入十里 南至河南

懷慶府鄉縣界黃河岸二十里陽鄉縣治三十里 北至蒲州

高陵鄉縣界中條山橫嶺三十里虞鄉縣治六十里又少西

縣治一百三十里 東南到河南州靈寶縣界黃河

岸三十五里陌底渡界四十里靈寶縣治五十里 西南到蒲州府永濟界杜村三十里到陝西同州府潼關廳黃河岸九十里 東北到解州界中條山頂六十里解州治八十里 西北到永濟縣界西孫村三十五里永濟縣治一百二十里

鄉鎮

東鄉陌底鎮

四十里

舖遞

總舖在城

北路東張

十里曹莊

二十董壁

三十陌底

四十里嶺底

五十嶺上

道徑

東由陌底鎮南十里至曲裏村陌底渡口靈寶界陌

底鎮東十里至儀家溝平陸界西南十里至祖師廟又十里

至渠頭溝又十里下坡至杜村永濟界皆孔道也由董壁村

東南十里至窯頭村又十里亦至陌底渡縣西十里至學長

村又十里至陳家村永濟界北三十里中條山脊虞鄉界皆小徑也

### 右解州

絳州

中缺  
繁難

禹貢冀州之域古荀國也春秋晉武公滅之以賜大夫原氏

焉又爲清原地

州西北  
二十里

戰國屬魏漢屬河東郡州境爲臨汾

州北二  
十五里

及長修

西北二  
十一里

二縣地高帝封杜恬於長修爲侯國

後漢省魏晉爲河東平陽二郡地後魏明元帝元年於臨汾

故城西南四十五里置柏壁鎮太武帝眞君四年於柏壁鎮

置東雍州七年析臨汾縣置泰平縣並南太平縣而廢臨汾

入泰平尋改南太平爲正平郡與州同治柏壁神麇元年改

正平爲征平孝文帝太和十一年復置臨汾縣

即今州治  
在故城南

八年廢東雍州改置平陽郡隸唐州臨汾仍隸平陽復改征平郡爲正平郡仍治柏壁領聞喜南絳曲沃三縣建義初又置南絳郡治澮交川改南絳及小鄉二縣屬焉又置高涼邵郡龍門三郡各領縣二東魏孝靜帝天平中復置東雍州北齊省臨汾入太平縣後周於高涼縣置勳州總管府明帝武成二年改東雍州爲絳州與正平郡俱移治聞喜縣東二十里龍頭城武帝時又移治臨汾縣西南二十里柏壁建德六年又移治高涼縣西南二十里玉壁廢勳州改入焉又廢南絳郡入北絳縣併南絳縣入小鄉縣隋開皇三年郡並罷置絳州移治東雍州故城東北二十里

臨汾縣城

領縣八臨汾始爲

州治十八年改臨汾爲正平縣又改小鄉爲汾東縣大業三年廢州爲絳郡省汾東入正平

案唐初復置小鄉縣武德五年省入翼城

又廢晉

州置臨汾郡改平陽爲臨汾縣唐武德元年置絳州總管府  
管絳潞蓋建澤沁韓晉呂滄泰蒲虞芮邵十五州三年廢總  
管府仍爲州絳州領縣七正平爲望縣隸河東道宋絳州絳  
郡防禦爲雄州領縣七正平爲望縣隸河東路金爲上州領  
縣八正平爲倚隸河東南路天會六年置絳陽軍節度使興  
定二年十二月升爲晉安府總管河東南路兵馬三年三月  
置河東南路轉運司元初爲中州置絳州行元帥府河解二  
州諸縣皆隸焉後罷元帥府仍爲絳州領縣七隸平陽路正  
平爲下倚郭至元二年省錄事司入焉明以州隸平陽府又  
省正平縣入州

國朝因之雍正二年改爲直隸州析平陽府之太平襄陵河  
津稷山來屬七年又以太平襄陵易平陽府之聞喜絳縣並

析解州之垣曲來屬編戶舊四十五里今二十五里領縣五  
聞喜縣 河津縣 稷山縣 絳縣 垣曲縣

水經汾水南過臨汾縣西屈從縣南西流注汾水逕絳縣  
北又西逕魏正平郡南故東雍州治太和中皇都徙洛罷  
州立郡矣又西逕王澤澮水入焉 經又過長修縣南注  
汾水又西與古水合水出臨汾縣故城西又西南逕魏正  
平郡北又西逕荀城東古水又西南入於汾汾水又西南  
逕長修縣云云

舊通志翼絳聞喜曲沃等地通辨聞喜邑本曲沃卽漢  
書二語可斷二縣沿革至景公由絳遷新田宜覈故絳  
新絳南北絳之分暨新田之地之胥爲絳也春秋以前  
晉都翼自武侯成侯至昭侯皆在舊都後封成師桓叔



於曲沃一傳而莊伯再傳而武公其間潘父迎立晉人  
拒之平王赧王使虢公執仲以兵伐曲沃反覆馳突皆  
在今聞喜翼城境地及釐王命曲沃武公爲晉君列爲  
諸侯盡併晉地始都翼城公八年從士蔣說城聚都之  
命曰絳今絳縣縣治南車廂城也九年始都絳今太平  
縣南晉城也

通典晉武公徙於此

杜注絳晉國都正義又曰晉都

絳絳臨汾汎舟之役自雍及絳相繼當在今太平絳州  
稷山間太平又有古晉城遺址此翼與太平所以胥名  
絳也顧翼名絳新田亦名絳今翼城南有北絳村卽故  
絳城此翼絳也水經注應劭曰絳水出絳縣西南蓋以  
故絳言此卽指車廂城也後自絳遷新田復謂絳都爲  
故絳至曲沃東南二里絳邑城乃新絳非故絳也自後

魏分絳縣地置曲沃縣與聞喜同隸正平郡又於今翼城置北絳郡領小鄉北絳二縣又於今絳縣置南絳郡并縣後周改絳州隋唐宋以後置絳州絳郡然後統南北絳而胥轄之杜注汾水出太原經絳北西南入河汾水出平陽絳縣南西入汾而注絳與新田皆曰今平陽絳邑縣是則今絳州曲沃等地胥爲絳胥爲新田也漢絳邑地頗廣范志絳邑有翼城今絳縣東西胥在其中不可拘車廂城爲孤證舊通志於曲沃絳縣皆曰春秋晉都新田地李在澗據以立辨甚爲明徹尙有未盡晰者因疏通以廣其說

舊通志春秋傳曰下國有宗廟謂之國在絳曰下國矣此說宜覈今絳州城絳縣舊志皆引城聚爲證太平縣

南二十五里有古晉城亦稱士蔦所築試以地形里數  
揆之晉城南二十五里卽今絳州州距絳縣百里絳縣  
距翼城七十里距曲沃五十里距太平七十里聞喜距  
絳縣八十五里距太平亦僅百里曲沃漢晉未立縣後  
魏太和十一年始置後周復置其始皆統於絳邑治於  
太平縣之晉城觀通典晉自曲沃徙此漢聞喜縣地二  
語則知聞喜卽絳非兩地也太平與鄉甯皆古臨汾然  
臨汾界止於晉城其南則皆聞喜絳邑地故漢晉以後  
之絳邑較今絳縣爲廣隋唐後之絳州絳郡較北魏之  
絳郡亦復擴行至於新田則確在曲沃以汾澮交流汾  
水在城西一十八里澮水在城南二里顯然可據太平  
絳州以南亦爲汾流所經而寢與河近曲沃尤二水交

匯地古曲沃在聞喜決無可疑而城聚在絳杜注新田  
今平陽絳邑縣蓋曲沃未設縣以前地多隸絳邑也亦  
不得以今日州縣之分疆遂畫爲二

謹案晉都初祇一絳至謨遷新田始名舊都爲故絳

而新田乃更名絳遂有二絳終春秋亦祇此而已其

成侯所徙則曰曲沃

後爲欒氏邑仍曰曲沃是也

昭侯所居則曰

翼

葬厲公于翼東門外是也

皆不名絳也二絳皆在今曲沃境漢

之絳縣則一而已其地實兼今曲沃翼城二縣之境

而與名絳之一州一縣無涉舊志辨論紛紛迄無定

說乃有故絳新絳北絳南絳之分名愈多實愈淆由

未能區北絳南絳之始於後魏之分立郡縣古未嘗

有也由是而因酈亭之言翼亦爲絳據車廂城之號

絳縣亦爲絳亭林據通典漢臨汾故城之名古晉城者絳州太平亦爲絳矣今古不分郡縣末考一絳而橫跨五州縣之境而古說亦晦請爲二言以斷之曰今之曲沃非曲沃也今之聞喜乃古曲沃也人知之今之名絳者非絳也今之曲沃乃古絳也人不知之因載舊志所辨附識如此餘見前篇平陽府下

又案魏東雍州正平郡同治柏壁在臨汾縣西南二十里臨汾故城西南四十五里而不與縣同治且縣隸平陽郡亦不隸正平郡據水經注及元和太平二志可見至太和十八年廢東雍州泊孝靜乃復置州志均未明言所治竊意此州治當卽臨汾新城太和十一年復置者在故城西南二十五里非舊柏壁鎮

也元和志所稱州西南二十里正平縣界柏壁者據其時改爲正平而言卽此州此縣之界並下文武帝移治正平縣西南二十里柏壁者亦此州之西南也開皇三年移治東雍州故城者卽此故城以州已廢故言故城非明元帝於臨汾故城西南四十五里置柏壁鎮之故城也蓋至隋開皇初移治而後郡縣始同治後又改同名遂爲今治矣

州城 隋開皇三年自玉壁徙此始建明洪武元年重修周九里十二步西北依岡高十餘丈餘高三丈五尺池深一丈門二南曰朝宗北曰武靖正統正德嘉靖間先後修葺兩門各建樓五間甃甃女牆隆慶間加高城牆濬池深一丈五尺闊倍之砌石隄以防汾鬻計長三百餘丈萬厯間石隄圯旋

山西通志卷二十一 府州屬果考五  
修復崇禎末增築礮臺

國朝順治六年州同知徐祚煥建北門月城甃甃數十丈中設礮眼以便守禦十年知州單惺修石隄康熙二年知州劉顯第修南門樓補葺垣堞石隄三十九年知州胡一俊重修乾隆二十一年大雨垣隄多圯知州張成德修復同治元年知州李廷璋興修知州裕彰沈鍾繼之至光緒元年工竣州境 在省治西南七百里

東西廣一百三十五里南北袤一百里

東至平陽府曲沃縣界十里、西至陝西韓城縣界黃河一百二十五里 南至解州夏縣界八十里 北至平陽府太平縣界二十里 東南到曲沃縣界二十里 西南到蒲州府榮河縣界一百四十里 東北到太平縣界四十五里

西北到平陽府鄉甯縣界五十里 自州治至

京師一千八百里

本州境 東西廣四十里南北袤五十五里

東至平陽府曲沃縣界張王村狄莊鋪十里曲沃縣治五十里 西至稷山縣界楊趙村三十里稷山縣治五十里 南

至聞喜縣界蘭村三十里聞喜縣治七十里 北至太平縣

界義泉鋪二十里太平縣治五十里 東南到曲沃縣界西

辛村一十五里到絳縣治八十里到垣曲縣治一百八十里

西南到稷山縣界楊城村四十里 東北到太平縣界西

古村三十里 西北到稷山縣界三界莊五十里

鄉鎮 北鄉泉掌鎮三十里澤掌鎮二十五里

鋪遞 總鋪在城 北路平原十里義泉二十里 東路狄莊十里



西路三林里古交里二十周村里三十

道徑 東南經原村五里至曲沃界十五里南經橫橋五里  
三家店十五里張莊二十里蘭村三十里至聞喜義眉山五  
里小徑也東至狄莊鋪十里東南至曲沃楊池村十五里南  
至聞喜七十里此小道也

聞喜縣要缺 衝繁難

春秋晉舊都曲沃也前此成侯自晉陽徙此後昭侯封成師  
於此武公併翼號曰下國後為欒氏邑兼王官地太平記王官故城今  
名王城在縣南十五里戰國屬魏秦置左邑縣隸河東郡漢因之又為  
周陽邑在縣東二十九里文帝元年封淮南王舅父趙兼為侯國景  
帝三年封田蚡弟田勝為侯國武帝元鼎六年將幸緱氏至  
左邑東北八里之桐鄉聞南越破大喜因立聞喜縣元和莽志

曰洮亭後漢移開喜治左邑廢左邑入焉北魏隸正平  
和十八年割西境之稷山亭與龍門析置高涼縣北周隸  
州明帝武成二年絳州及正平郡同來治縣東二十里龍頭  
城武帝移縣治臨汾縣西南二十里柏壁與州郡同治州旋  
徙去隋隸絳郡開皇十年移治甘谷唐望武德元年析西  
境與安邑同置桐鄉縣貞觀十七年併桐鄉入焉元和十年  
復移治桐鄉故城案舊通志據唐志武德元年置考開喜自  
前漢立縣以後有沿無革各志皆無廢縣  
明文恐新書之誤也又案義甯元年唐師已取絳郡次年即  
武德元年或其間有廢置未可知史無其據未敢即定姑削  
考五代漢乾祐元年割隸解州宋因之元下初隸平陽路  
河中府解州至元八年隸晉甯路解州明隸平陽府解州  
國朝隸平陽府雍正七年改隸絳州編戶舊六十六里今四  
十四里

李汝寬聞喜曲沃辨今之聞喜古曲沃也今之曲沃古  
新田也何以知之案史記晉昭侯封文侯弟成師於曲  
沃注案隱曰河東之縣名漢武帝改曰聞喜也故曲沃  
改桐鄉桐鄉改聞喜此不及桐鄉省文耳晉驪姬請使  
申生處曲沃韋昭解曰曲沃晉宗邑今河東聞喜是也  
春秋魯襄公二十二年晉欒盈入於曲沃林堯叟注曰  
曲沃在河東聞喜縣前漢地理志河東郡縣二十四有  
聞喜注曰故曲沃後漢郡國志曰聞喜邑本曲沃晉地  
理志曰聞喜故曲沃文選潘岳笙賦曰河汾之寶有曲  
沃之縣匏焉注引漢書曰河東聞喜縣故曲沃也綱目  
集覽曰聞喜本絳州曲沃縣漢武帝改聞喜此非聞喜  
古曲沃之證乎魯成公六年晉遷於新田曰有汾澮以

流其惡至後魏始置曲沃縣亦猶武帝改修武爲獲嘉  
其後又別置一修武也今曲沃人識其邑里皆曰新田  
邵而汾澮二水見在其境內曲沃志亦曰卽春秋晉新  
田地此非今曲沃古新田之證乎或曰詩傳旣曰唐侯  
封于燹敗國號曰晉後徙曲沃則曲沃卽晉都矣又曰  
昭侯封成師於曲沃豈其以都邑而封成師乎曰史不  
云乎曲沃邑大於翼翼晉君都邑也蓋是時晉自曲沃  
遷都於翼而以其故都曲沃封成師是爲桓叔也其後  
桓叔之孫武公卒滅晉而代爲諸侯仍都曲沃至其子  
獻公始都絳卽今絳州也至景公復自絳遷於新田復  
命新田爲絳而以故都之絳爲故絳山西通志於曲沃  
絳縣皆曰春秋晉都新田地誠是也至漢以絳爲絳縣

未有曲沃也至後魏始置曲沃縣卽析絳縣地而置之也知此則三縣之沿革甚明而曲沃之新志多誤矣沃人李廷寶氏撰志曰魯成公六年晉人謀去故絳韓獻子曰不如新田土厚水深居之不疾有汾澮以流其惡今澮水在沃南二里汾水在沃西一十八里故通考以曲沃爲晉所都新田之地若今之聞喜則去澮遠矣寶之此證謂今曲沃卽古新田則是矣以證今之沃爲桓叔所封之沃則非也何者桓叔所封之沃乃古曲沃也旣以今之沃爲新田又以爲古沃豈以新田古沃爲一地乎如其一地也則晉人謀去故絳當云復都曲沃何以言遷於新田也況故都之水土晉人豈不知之而必待獻子熟計之乎寶以通考之沃爲古沃不惟失焉氏

之意且自爲矛盾甚矣他證多類此要不俟乎予之贅也

李汝寬桐宮辨諸志皆以聞喜爲桐宮湯陵所在予竊疑之案漢書劉向傳歷叙帝王陵墓曰殷湯無葬處師古曰謂不見傳記也漢去古未遠劉向班固爲世大儒且不知湯之葬處諸志何以知其在聞喜也司馬光宋之大儒其撰聞喜宜聖廟記亦未及此金有張邦彥者撰宣聖廟記據一時儒生父老之言謂文廟古之湯陵引尙書及孔安國注以信之而力詆魏文帝皇覽言湯葬濟陰之非蓋因地名桐鄉且多古柏而附會之也夫安國註尙書桐宮止云此湯葬地也未言所在邦彥何以知其指此也記又曰其地蓋與清原相接故魯僖公

三十一年晉蒐於清原杜注云在聞喜縣北當時雖則未明聞喜然亦桐之事實見於春秋者也夫尚書注疏未言桐宮與清原相接他書亦未有言之者邦彥何以知其與清原相接而以爲桐之事實也夫以桐鄉爲桐宮已屬無稽又以文廟爲湯陵非齊東野人之語乎及考平陽府志山西通志雖以聞喜爲湯陵於滎河又皆云湯陵在縣北百祥村西元癸未歲淪於汾河以石柩遷於別地洪武初建寢廟於陵東以便歲時致祭正德元年少卿喬宇題准修祠又案文獻通考明一統志皆云湯葬汾陰又案隋制祀湯於汾陰汾陰卽滎河也又案邱文莊公大學衍義補云我朝帝王陵廟旣命有司歲時修葺又於三年一次出祝文香帛遣太常寺樂舞

生齋往所在命有司致祭凡三十六帝而殷湯與焉雖  
未言其所在然亦可見必知其所在而非聞喜矣夫據  
漢書則湯陵之所在不可知也據尙書注雖知桐爲湯  
陵而桐之所在不可知也據文獻通考等書及喬宇所  
題雖直指滎河而猶未可盡信也乃邦彥始則不知闕  
疑而輕信儒生父老之言旣則濟以博辨而並失安國  
元凱之意以致正德間邑博王紳氏修志遂以桐宮爲  
邑之故而州據縣府據州省據府諸志皆誤誰之咎也  
若曲沃志又謂桐鄉城在縣西南驛喬村世傳伊尹放  
太甲於此則湯陵愈多而兩地之父老賢於漢儒遠矣  
謹案伊尹放太甲於桐說出孟子再見其文自無可  
疑惟桐地未知所在亦未知爲何地古無其說終當



闕疑自晚出古文尙書乃有王祖桐宮居憂之語又橫加一宮字且增出居憂二字經傳本出一手故傳又附會爲湯葬處郢書燕說矣然尙籠統其詞未敢實指其地則以中壘漢之大儒語必不妄王子雍雖性愛陰攻古人尙未敢私造故實也後儒未知古文之僞紛紛考證桐之所在已無是處且又求桐宮而因及湯之墓地則岐中之岐矣毫都湯陵並此桐宮舊志載諸家之說甚備或信或疑胥可存而不論惟桐宮尤可勿庸置議矣

縣城

唐元和十年刺史李憲建元至正十七年修明景泰元年重修周五里三十二步高二丈七尺闊一丈五尺基倍之濠深二丈廣三丈門四東曰迎暉南曰仰薰西曰阜成北

曰仰蔽正德間建城樓築月城嘉靖間增修敵臺三十六開水西門以便民汲題曰挹凍甌砌垛口萬厯元年建護城石隄以防水漲計長一百六十丈有奇二十六年增修護城石隄長五十餘丈崇禎間築東西城各厚五尺高三尺建東北西北二角樓甌贅東南二門

國朝順治六年知縣鍾萬齡修垛口及城門十六年知縣李如蘭修城濬池並葺城樓翟鳳翥記康熙四十年知縣佟國琪再修之

縣境 在州南七十里

東西廣六十五里南北袤四十五里

東至絳縣界橫水鎮四十五里

縣志至曲沃縣界五十五里

少南至絳縣

治七十里 西至解州夏縣界小郭店二十里至蒲州府萬

泉縣治九十里 南至夏縣界泊頭村十里少西至夏縣治五十五里 北至絳州界蘭村舖三十五里絳州治七十里 東南到絳縣界橫嶺村七十里到垣曲縣界獅子舖九十里垣曲縣治一百七十里 西南到夏縣界楊家莊二十里安邑縣治百里 東北到曲沃縣界槐林村五十五里曲沃縣治九十里 西北到絳州稷山縣界栗村鎮三十五里稷山縣治九十里

鄉鎮 東鄉橫水鎮六十里 上東鎮三十里 下東鎮三十里 蘭德鎮五十里 西鄉郭店鎮二十里 北鄉栗村鎮二十里

驛站 涑川驛極衝 在城內東至曲沃縣侯馬驛八十里西至安邑縣泓芝驛九十里見額馬七十七匹馬夫三十八名半廠夫九十名

舖遞

東路儀張

里十

馮家莊

里二十

東鎮

里三十

問店

里四十

蘭德

里五十

西路朱店

里十

小郭店

里二十

南路西郭

里二十

獅子舖

里九十

道徑

東北至槐林村

曲沃界越六舖共五十里又西南經

宋店小郭店至夏縣

岔口舖三十五里此孔道也東至絳縣

八十里南至夏縣

五十里西北至稷山

九十里北至絳州

七

十里雖非孔道亦多坦途惟東南由獅子舖至劉莊野舖接

垣曲梨樹舖為曲徑又為要道

河津縣

中缺

古耿國相傳殷王祖乙徙都焉周仍為耿國

括地志今名耿

城南十二里都

春秋晉獻公滅之以賜趙夙又為冀國

杜預

城記耿嬴姓國

東戰國屬魏為皮氏邑

括地志在縣西

及岸門地

史記注皮氏

秦置

垣曲梨樹舖為曲徑又為要道

河津縣

中缺

古耿國相傳殷王祖乙徙都焉周仍為耿國

括地志今名耿

城南十二里都

春秋晉獻公滅之以賜趙夙又為冀國

杜預

城記耿嬴姓國

東戰國屬魏為皮氏邑

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

河津縣

古耿國相傳殷王祖乙徙都焉周仍為耿國

括地志今名耿

城南十二里都

春秋晉獻公滅之以賜趙夙又為冀國

杜預

城記耿嬴姓國

東戰國屬魏為皮氏邑

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

河津縣

古耿國相傳殷王祖乙徙都焉周仍為耿國

括地志今名耿

城南十二里都

春秋晉獻公滅之以賜趙夙又為冀國

杜預

城記耿嬴姓國

東戰國屬魏為皮氏邑

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

河津縣

古耿國相傳殷王祖乙徙都焉周仍為耿國

括地志今名耿

城南十二里都

春秋晉獻公滅之以賜趙夙又為冀國

杜預

城記耿嬴姓國

東戰國屬魏為皮氏邑

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

河津縣

古耿國相傳殷王祖乙徙都焉周仍為耿國

括地志今名耿

城南十二里都

春秋晉獻公滅之以賜趙夙又為冀國

杜預

城記耿嬴姓國

東戰國屬魏為皮氏邑

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

河津縣

古耿國相傳殷王祖乙徙都焉周仍為耿國

括地志今名耿

城南十二里都

春秋晉獻公滅之以賜趙夙又為冀國

杜預

城記耿嬴姓國

東戰國屬魏為皮氏邑

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

秦置

括地志在縣西

及岸門地

史記注皮氏

皮氏縣漢因之隸河東郡武帝封衛青校尉張次公為岸頭

侯卽此莽曰延平魏晉胥隸平陽郡北魏真君七年改龍門

縣因龍門山為名元和志太和十二年分縣境並開喜縣置高

涼縣又置高涼郡隸汾州縣並屬焉天平四年又置龍門郡

領西太平汾陰二縣又置北鄉郡有龍門縣隸南汾州僑置

定陽縣界非縣地也案元和太平二志俱云隸北鄉郡舊通

志作高涼郡考魏志高涼郡龍門故皮氏有臨汾城屬汾州龍門北鄉二郡屬南汾州

戶口皆少皆僑置非舊治也當以舊通志為正後周隸蒲州

高涼郡縣並廢隋開皇三年廢龍門郡縣隸河東郡十六年

改屬蒲州義甯元年於汾陰縣置汾陰郡縣屬焉隋志汾陰

郡開皇初郡廢有龍門山考地形志無汾陰郡惟秦州之北二縣則領北鄉氏汾陰二縣又南汾州之北鄉郡領龍門汾陰

置也龍門山在汾陰縣則當時之境界分合不常矣唐武德元年改郡為泰州二年徙泰州來治五年於縣東北四

十里析置萬春縣貞觀十七年州廢省萬春入龍門隸絳州

元和初改絳河中府大順二年與萬泉割屬蒲州案元和志

義甯元年改汾陰郡爲秦州理龍門縣又云龍門縣武德三

年屬秦州前後不同唐志寶鼎下故汾陰義甯元年以汾陰

龍門置汾陰郡武德元年曰秦州龍門下武德二年徙秦州

宋次畿隸陝西路河中府宣和三年改河津縣金貞祐三年

改隸榮州元下仍隸河中府明隸平陽府蒲州

國朝隸平陽府雍正二年改隸絳州編戶舊三十八里今一

十八里

謹案祖乙居於耿見書序史記耿作邢近儒辨之甚

悉以爲商之五遷皆因河患而所都皆河北之地不

出今直隸大順廣河南彰懷衛之境當禹貢之覃懷

衡漳無緣祖乙獨遷河東而又遂遭河患之事此論

久定無可復議但以後漢志已載此說相承已久姑存不廢然前志已不載此說班氏之見卓矣

張士佩曰韓蓋侯伯之國也及大夫韓武子萬食采於韓原乃爲邑武子後獻子厥從封姓爲韓氏是爲韓厥獻子後宣子徙居州州蘇忿生之州邑也宣子後貞子徙居平陽及韓分晉而初所食采之邑曰韓原者乃爲魏分焉魏封開封號大梁而韓原時曰少梁焉以界秦戍守重之也韓原有龍門龍門雍州之域也

顧炎武曰竹書紀年平王十四年晉人滅韓按左傳僖公十五年晉侯及秦伯戰於韓上言涉河下言及韓又曰寇深矣是韓在河東非今之韓城也故杜氏解但云韓晉地正義引括地志韓原在同州韓城縣西南非也

文公十年晉人伐秦取少梁始得今韓城之地益明戰  
於韓非此也

舊志韓原辨韓國與韓原多混爲一皆緣未詳封建始  
末之故周始封之韓左傳邳晉應韓皆武之穆是也國  
都在并州於周職方爲正北故詩曰溥彼韓城燕師所  
完當時錫命奄受追貊北國後宣王因韓侯始立來朝  
使復其祖封而詩人美之此春秋以前之韓也平王時  
晉滅韓以賜桓叔之子萬爲韓武子其食采在韓原後  
三世韓厥獻子居卿位宣子徙居州貞子徙平陽此春  
秋之韓也越數傳而景侯處與趙魏同列諸侯分晉地  
十餘世至王安乃盡入地於秦爲潁川此春秋以後之  
韓也考韓奕詩鄭箋謂在左馮翼夏陽西北括地志謂



在同州韓城縣西南朱注因以梁山爲韓鎮而杜氏注第云韓晉地不言所在王肅又言涿郡方城縣有韓侯城魏地形志亦云范陽郡方城縣有韓侯城日知錄據水經注聖水逕方城縣故城北又東南逕韓城東二語以爲韓國近燕非同州之韓城可備一說夫賜地與食采之邑必不甚遠今按左傳韓原戰地未知卽武子采邑與否而傳云涉河侯車敗後又云三敗及韓則韓原應在河東無疑不然杜註何以云晉地耶且史伯對鄭桓公曰武王之子應韓皆不在杜注云韓在河東郡界此與王肅魏地形志諸說雖不盡合而河東之有韓原則可考矣通志安邑卽韓國通鑑前編夏后禹踐位於韓漢書河北詩魏國有韓亭今襄垣縣有韓城傳爲趙

襄子築後周置韓州於此凡此又因時地而變名但距河已遠未必卽戰於韓原之韓也

舊通志史記少梁更名夏陽少梁古梁國秦滅之在韓城縣南二十二里唐改曰韓城縣夏陽故少梁秦惠文王十一年更名禹貢梁山在西北龍門山在此華池在韓城西南十七里在夏陽故城西北四里高門去華池三里顧炎武曰左傳桓九年梁伯伐曲沃注梁國在馮翊夏陽縣卻苒曰梁近秦而幸焉是也漢書地理志云馮翊夏陽縣故少梁也水經注乃曰大梁周梁伯之居也梁伯好土功大其城號曰新里民疲而潰秦遂取焉後魏惠王自安邑徙都竹書紀年梁惠成王六年四月甲寅徙都於大梁是也是誤以少梁爲大梁而不知大

梁不近秦也

後漢志河南尹梁故國伯翳後注引傳物記曰梁伯好土功今梁多有城亦誤

縣城 舊城在今縣東南圯於汾水元皇慶初監縣合哈利哈孫移築今地明景泰元年修周三里二百七十四步高二丈二尺池深淺不一門三東曰迎旭南曰臨川西曰擁翠上各建樓天順三年增闢小東門題曰附陽正德六年重修嘉靖間修城樓浚池二十四年輒發城堞修西門樓建敵臺一十八三十四年增修設角樓四隆慶間築護城水隄萬厯十七年修西南城十餘丈崇禎九年始發以輒計高三丈厚一丈五尺敵臺鋪舍皆具

國朝厯任知縣因時修葺至今完固

縣境 在州西一百里

東西廣五十里南北袤七十五里

東至稷山縣界薛村二十五里稷山縣治六十里 西至陝  
西同州府韓城縣界黃河岸蒼頭鎮一十五里黃河面十里  
南至蒲州府榮河縣界集賢村三十五里 北至平陽府  
鄉甯縣界西磴口三十五里鄉甯縣治一百二十里 東南  
到蒲州府萬泉縣界李望莊四十里萬泉縣治六十里 西  
南到榮河縣界雙營鎮三十五里榮河縣治七十五里 東  
北到稷山鄉甯二縣界張吳村四十里絳州治一百里又到  
鄉甯縣治一百五十里到太平縣治一百五十里 西北到  
曲沃韓城縣界禹門渡二十五里韓城縣治七十里  
巡檢司在禹門口

鄉鎮 西鄉禹門鎮

里二十

清澗鎮

里十五

南鄉蒼頭鎮

里十

北鄉樊村鎮

里二十

會澤鎮

里二十

舖遞 總舖在東門外 東路郭樊里十百底里二十 南路蒼

底里十小梁里二十 衛村里三十 李望里四十 北路辛村里五 清澗里五十

里 禹門里五十 西磴口里三十

道徑 東由郭樊舖衛莊百底舖二十五里至稷山縣界薛

村南越汾河經蒼底舖小梁舖衛村集賢村三十五里至柴

河界西北經辛封村清澗村神前村至禹門渡二十五里越

黃河抵陝西韓城界此孔道也東南四十五里至萬泉界李

望莊西南三十五里至柴河界西經蒼頭鎮越黃河二十里

抵韓城北由西磴口紫金山至上馬臺三十五里抵鄉甯東

北經毛家莊僧樓鎮張吳村三十五里抵稷山此小徑也

稷山縣 簡缺

古冀國也春秋屬晉為卻氏食邑南境為晉稷邑 縣舊志作晉高粱地

非漢爲河東郡聞喜縣地兼得皮氏縣地北魏太和十一年分龍門及聞喜之稷山亭於縣東南三十里置高涼縣後置高涼郡縣屬焉隸東雍州天平中又置龍門郡屬南汾州領西太平汾陰二縣非縣境西魏以韋孝寬守玉壁功置勳州總管旋廢高涼郡改置龍門郡於龍門縣高涼縣並屬焉後周廢勳州改置絳州移高涼縣於西南十二里之玉壁並徙絳州及正平郡同治於此隋開皇三年郡縣並罷高涼縣屬絳州州移治正平郡十八年改名稷山縣屬絳郡以縣南稷山爲名元和徙治汾水北唐上隸絳州後改隸河中府後唐同光三年復隸絳州宋中金中元下並屬明隸平陽府絳州國朝隸平陽府雍正二年改隸絳州編戶舊七十三里今一十九里

左傳宣公十五年晉侯治兵於稷以略狄土杜預注今聞  
喜縣西五十里有稷山亭 後漢志聞喜縣西五十里有  
稷山亭

謹案水經注汾水又逕冀亭南京相璠曰今河東皮  
氏縣有冀亭古之冀國所都也杜預釋地曰平陽皮  
氏縣東北有冀亭卽是亭也汾水又逕稷山北在水  
南四十許里山東西二十里南北三十里高十三里  
西去介山十五里山上有稷祠山下稷亭引春秋云  
云據此冀在汾北迤東稷在汾南迤西其爲均在縣  
境可知

縣城 隋開皇十一年建明景泰初修周五里十三步正德  
五年重修嘉靖二十三年加修隆慶元年修濬城池計城厚

丈有六尺崇視厚增二丈池深三丈闊如之闢五門東曰望  
堯南曰帶汾西曰思禹北曰屏射東北曰引泉門各有樓角  
樓四敵臺二十有五臺各有亭雉堞千四百有奇皆甃甃崇  
禎四年增築城內外重垣

國朝康熙元年大雨垣樓多圯知縣孔孟脉修復四十六年  
知縣謝兆龍加修同治七年知縣張丕烈重修

縣境 在州西五十里

東西廣五十里南北袤八十五里

東至絳州界下王村二十五里絳州治五十里 西至河津  
縣界薛村二十五里河津縣治五十里 南至解州夏縣界  
牛莊五十五里少東至夏縣治一百二十里 北至平陽府  
鄉甯縣界峪裏三十里 東南到聞喜縣界四十五里聞喜



縣治九十里 西南到蒲州府萬泉縣界三十五里萬泉縣  
治八十里 東北到絳州界泉掌鎮三十里到平陽府太平  
縣治九十里 西北到河津縣界三十里又北到鄉甯縣治  
一百三十里

鄉鎮 東鄉大杜鎮里二十 西鄉平隴鎮里五 南鄉玉壁鎮

里十二 小河鎮里十五 翟店鎮里三十 北鄉華峪鎮里二十

舖遞 總舖在東關 東路周村里二十 西路吳城里十下迪

里二十 柏底里三十 南路張戶里二十 東衛里三十

道徑 東經澗東村管村二十五里至下王村絳州界西經  
南陽村馬村下迪鎮二十五里至河津縣薛村界此孔道也  
南至夏縣一百二十里東南到聞喜縣九十里西南到萬泉  
縣七十里胥山坡北至鄉甯縣一百三十里爲山徑西北到

龍門七十里爲小徑東到太平縣九十里爲平徑

絳縣 簡缺

春秋晉曲沃東境地戰國爲曲陽地

方輿紀要在縣東南魏邑漢初曹參追魏豹於

曲陽

二漢晉皆爲河東郡聞喜縣地

水經注涑水出河東聞喜縣東山黍葭谷今涑

水源出絳縣之東其爲聞喜縣地無疑

其絳縣後漢爲絳邑晉隸平陽郡非今

縣地晉末廢後魏太和十二年復置絳縣

此北絳初尙未加北字

十八

年始析南境滄南地置南絳縣治車廂城同隸唐州之正平

郡建義元年置南絳郡治滄交川改南絳並新置小鄉縣隸

焉西魏大統五年僞置建州於此恭帝去南字直爲絳郡絳

縣後周於郡置晉州又並絳縣入小鄉建德五年州廢隋仍

爲絳郡絳縣開皇初郡廢縣隸絳州大業三年改絳郡仍屬

焉唐

望

武德元年自車廂城徙今治改隸滄州四年州廢仍

隸絳州宋

中元下

並屬至元二年省垣曲縣入焉十六年復

舊明隸平陽府絳州

國朝隸平陽府雍正七年改隸絳州編戶舊五十二里今三十里

謹案絳縣罷於晉末元魏復置兼置郡郡復有二太和十二年初復時仍名絳隸正平郡孝昌三年於縣置郡郡縣同加北字今之翼城也太和十八年始置南絳縣亦屬正平郡建義元年又置南絳郡治澮交川縣來屬不倚郭今之絳縣也此魏之二絳郡也北絳郡廢於隋開皇三年後改翼城郡南絳郡東魏去南字直爲絳郡北周於郡置晉州旋廢郡不知所屬隋仍爲絳郡開皇三年亦廢此隋初之絳郡南絳所

改者也此郡廢後大業三年乃改廢正平郡爲絳郡  
爲今之絳州與元魏之南北二絳絕不相蒙亦單稱  
絳此隋之二絳郡也絳郡先後凡三地均無與於晉  
之新故二絳及漢之絳縣今則隋氏之絳郡絳縣也  
縣城 唐武德元年建明正統十四年重修成化七年增修  
周五里十三步高二丈池深一丈門三東曰鎮峯南曰絳陽  
西曰太安各有樓正德間修建窩舖十七嘉靖六年甄玚女  
牆後地震樓堞傾圮旋經葺治隆慶三年增高五尺池亦濬  
深五年於西門外增重門及樓萬厯五年西北隅垣圯門塞  
開北門以通出入二十八年修復仍塞北門三十四年復開  
明年又塞崇禎十四年修北城增敵臺二加高南門甕城上  
建重樓

國朝順治七年知縣吳洪佐重修三門八年署知縣州同徐  
祚煥續修西門甕城及樓十四年知縣鄭始宏十六年知縣  
趙士宏又修東南二門樓及鋪舍女牆三十四年地震三門  
俱傾五十一年知縣盧絳修復乾隆十二年知縣復起三十  
一年知縣拉昌阿先後修同治六年知縣陳懷璋增修起鋪  
舍並造三門鐵閘

縣境 在州南八十里

東西廣八十五里南北袤七十里

東至垣曲縣界白楊村六十里

縣志至翼城松羅峪四十五里

至澤州府沁

水縣治一百四十里

西至聞喜縣界橫水鎮二十五里聞

喜縣治七十里

南至垣曲縣界橫嶺關五十里

北至平

陽府曲沃縣界白水村二十里

東南到垣曲縣界橫嶺關

五十里垣曲縣治一百三十里到河南懷慶府濟源縣治三百里 西南到聞喜縣界喬寺村三十里到解州夏縣治一百二十五里 東北到平陽府翼城縣界大交鎮四十里翼城縣治七十里 西北到曲沃縣界任莊鋪二十五里曲沃縣治五十里

鄉鎮 西鄉橫水鎮二十里 東鄉大交鎮四十里 北鄉南樊

鎮三十里 荆村集三十里

舖遞 北路西喬里二十步院里二十楊村里三十 西路三岔里十橫

水二十里 南路寨兒里二十煙莊里三十橫嶺四十里

道徑 東經喬村北柳鋪三間墩范壁鋪陳景鋪四十六里至翼城縣馮史村界西至聞喜縣界獅子鋪五十里南至夏縣界牌嶺五十里南至聞喜縣灌底村舖界二十五里北

至步阮鋪二十里至曲沃縣任莊鋪界又自步阮村南經勃  
村趙村四十五里至楊村鋪胥孔道也而青楊嶺橫嶺胥山  
隘也東由路村越逆溝至雖村鋪道南經王家坡留孟嶺復  
至寨兒鋪道西經吳壁莊崔壁村周家莊至橫水鎮道北經  
吳村橫入西喬鋪道此小徑也

垣曲縣

簡缺  
繁

春秋赤狄東山臯落氏地

城在縣西北六十里今名臯落鎮

後屬晉曰邠邠

縣東六十里邠原關今屬濟源

趙盾殺公子樂於此曰瓠邱

縣東南二十里陽壺城

公九年晉冀宋五大夫於此戰國屬魏曰王垣

史記魏文侯二年城安邑

垣又曰武垣曹參生禽魏豹處也漢置垣縣隸河東郡

縣西北二

里魏晉因之永和九年秦苻健僑置幽州刺史於裴氏堡

縣在

東南永嘉元年居人裴氏築以自守後因置屯戍焉

北魏皇興四年置邠上郡於陽壺

舊城隸東雍州太和中併河內孝昌中復改曰邵郡改縣曰  
白水縣郡領白水清廉葺平西太平四縣又置東垣縣隸新  
安郡非今縣地西魏大統三年於郡置邵州改白水爲亳城  
徙今治又僞置建州於邵原後周又置蒲原縣在縣東隋開皇  
初郡廢大業初州廢改亳城爲垣縣以地近故垣城因名太平  
記又省清廉蒲原二縣入焉隸絳郡義甯元年以垣王屋置  
邵原郡又置清廉縣西五里亳城縣西北十五里二縣唐上武德元年  
改邵州二年置長泉縣是年以長泉隸懷州後省五年省亳  
城入垣縣貞觀元年廢邵州省清廉入垣縣還屬絳州龍朔  
三年隸洛州長安二年復舊貞元三年隸陝州元和三年復  
舊宋下改爲垣曲縣隸絳州元下至元二年省入絳縣十六  
年復置隸平陽路絳州明隸平陽府絳州



國朝隸平陽府雍正二年隸解州七年改隸絳州編戶舊二十七里今五里

水經注清水出清原山之西嶺東流逕皋落城北服虔曰赤翟之都也世謂之倚毫城蓋讀聲近轉因失實也春秋左傳所謂晉侯使太子申生伐東山皋落氏者也與倚毫川水合清水又東逕清原城南 太平記古皋落城在縣西北六十里一名倚毫城

張象蒲毫都辨唐虞夏殷故都皆在平陽境而晉志殷遷耿不及毫者未知毫之在垣曲也垣曲面景山潁大河近接葛伯寨在五代周時名毫城縣漢書音義稱濟陰毫縣者濟水出濟源山而山在縣東也桐鄉在其北即伊尹放太甲處今聞喜是也湯陵在其西歷載祀典

今榮河是也皆距垣不二百里而湯妃墓廟俱在垣境其爲亳地明矣孟子曰湯居亳與葛爲鄰世傳亳州爲亳長葛爲葛固妄謬不足與辨傳記所載稱亳者三謂亳在穀熟者皇甫謐也謂亳在蒙縣者杜預也謂亳在偃師者鄭康成也稱葛者二一云甯陵有葛伯國一云鄆城有葛伯城嘻何亳與葛之多也蓋嘗考之穀熟今夏邑也然考城亦名穀熟蒙大小二大者在商邱北小者在商邱南於彼於此茫無確指果可信乎歸德志稱帝嚳都商邱之亳城湯自商邱遷焉河南志又稱偃師縣帝嚳所都也成湯居西亳卽此其在左傳帝嚳封其子閼伯於商邱以主大火是以有閼伯之臺之墓之廟旣封其子又作之都於理非宜且旣都商邱何爲又都

偃師是二都矣偃師最西去景山不遠說者引景員維  
何以實之按黃河自潼關而下入閎鄉縣界經靈寶陝  
州澠池新安孟津諸縣以達於開封不聞經偃師也所  
謂員河者安在偃師近景山而不名景亳蒙城無景山  
而名景亳所不解也若其謂甯陵有葛國者所以實亳  
在商邱之說也然甯陵實甯城非葛鄉蓋說者妄也鄆  
城去三亳甚遠安得有葛蓋起於好事者欲以葛城在  
偃師證成偃師之爲亳而偃鄆音近謗以傳謗遂蔓及  
之耳括地志曰湯冢在北亳皇覽曰在濟陰亳縣而劉  
向直謂湯無葬處是皆不可信則偃師之墓亦僞也孔  
安國以桐爲湯葬地鄭康成謂桐地有王離宮皆不得  
其實而晉太康地記云尸鄉有亳坂東有城爲太甲所

放處信斯言也若之何其不名桐而自秦以來所謂桐鄉者乃在逼近垣曲之間喜耶垣曲地僻而道險名公鉅儒罕有至者故其遺蹟不見於論述而守斯土生斯地者承訛襲舛不復考覈如是類者蓋比比也可勝道哉

謹案皋落城今謂之皋落鎮在垣曲西北六十里與太平記合倚亳城之名見酈氏水經注據稱讀聲近轉因而失實則卽此皋落城非有二地但引左傳是初無湯都之說考下文又有倚亳川水蓋俗傳已久因之以城名水然倚亳連文非亳都之亳單詞爲號者也至西魏改白水爲亳城雖取舊名而去倚留城乃失其義而湯都之說起矣於是又以趙魏相遇之

葛孽城俗稱葛伯寨者附會爲葛伯之國土人紛紛  
爭相引重殊非事實本不足辨因沿譌相承通人或  
蔽故仍存其說而辨之如此至東山皋落氏之地則  
道元本之服子慎說必有據且以時勢考之晉初作  
二軍滅耿滅霍滅魏後又滅猗滅虞皆在今平蒲解  
絳之境其時郇曲沃都絳準之地望垣曲正在東山  
其爲皋落氏無可疑者若世傳樂平之皋落山爲東  
山之國者則此時晉境北至霍而止所謂景霍以爲  
城者高壁嶺以北尙爲羣狄之都無緣越八九百里  
而遠伐肥鼓咎猶之鄰也

縣城

西魏大統三年改郇郡名邵州徙築今地城制初隘  
金季展築洪武十八年水圯正統十四年修周二里一百八

步高二丈池深一丈闊一丈五尺門三南曰萬安西曰永  
北曰富春成化間重修正德八年展築西北面周四里九  
門東南雨水門以洩水嘉靖五年補修並建樓九年創開  
東門水溢南城圯修之十四年又圯再修之隆慶間易以板  
築萬曆二十六年重修二十八年築南面護城石隄二百七  
十餘丈四十六年修南甕城塞東門崇禎四年修西甕城六  
年修南城裏長二百三十三丈寬八尺增高五尺又修北門  
甕城及女牆建敵臺十原垛口一千五百存八百五十以便  
防禦餘塞之

國朝康熙七年知縣紀宏謨重建北門樓補修護城石隄四  
十四年知縣許穀再修較前加固乾隆二十六年淫雨城圯  
二十八年知縣楊登泗重修增高益厚並三門樓新之

縣境 在州東南二百一十里

東西廣九十五里南北袤一百一十五里

東至河南懷慶府濟源縣界東胡村堆子一十五里濟源縣

治一百六十里 西至解州夏縣界楸木溝八十里至聞喜

縣治一百五十里 南至河南府澠池縣界黃河岸五里澠

池縣治九十五里 北至平陽府翼城縣界舜王坪一百一

十里縣志至沁水縣界分水嶺一百一十五里少西至翼城縣治二百里 東南

到澠池縣界東灘村五里到河南府洛陽縣治一百八十里

西南到解州平陸縣界西瓦石溝五十里到夏縣界馬鞍

山九十里平陸縣治二百三十里縣志西南至夏縣一百九十里東北到

澤州府陽城縣界鼓鐘山五十里西轟轟村一百二十里陽

城縣治二百五十里到沁水縣治一百五十里 西北到絳

縣界橫嶺關八十里絳縣治一百三十里

鄉鎮 東鄉鼓鐘鎮五十里 西鄉王茅鎮二十里 皋落鎮五十里

北鄉同善鎮一百二十里

舖遞 總舖在城 西路毫城十里 王茅二十里 交斜三十里 清廉

四十里 皋落五十里 梨樹六十里 東北路同善一百二十里

道徑 西南經毫城至柳莊舖七十里此孔道也而由皋落鎮至橫嶺關寶山隘也西南三十里至交斜村岔道又西至柴家塔堞十里溝底朱家莊毛家灣龐家溝為聞喜和腰界東北至磨頭村登坂村同善村老鶴溝楊家河坐水澆一百二十六里為陽城東轟轟莊界西南由東灘村河底村刁窩村五虎澗六十里至平陸瓦石灘界胥峻嶺深溝山曲小徑

右絳州



隰州簡缺

禹貢冀州之域春秋晉蒲邑文公爲公子時居之左傳重耳居蒲杜注

今河東戰國屬魏一曰蒲陽史記魏世家襄王七年秦降我蒲陽通釋蒲陽故城在隰川縣

北四十五里蒲水北即又爲石阿地史記趙成侯十一年秦重耳所居括地志誤也

石隰二州間漢置蒲子縣隸河東郡魏晉隸平陽郡永興

元年劉淵據此置大昌郡統之永嘉二年淵自左國城徙都

於此明年又徙都平陽北魏延和三年省爲鎮太和十二年

置汾州治廢蒲子城不爲縣領西河吐京五城定陽四郡孝

昌中移州及所領之郡縣寄治平陽郡北界元氏旣分東魏

天平四年西魏之大統三年也伐東魏定汾絳由是汾州以

南西屬晉州以北皆東屬其後東西無定皆未久卽復各立

戍守周平齊後復置汾州大象元年於州東百步置龍泉郡

隰縣初曰長壽

案元和太平二記俱云魏孝文改蒲子為長壽而隰川縣則云周宣帝置長壽縣一篇中

前後互異然後說與隋志合地形志亦無長壽之名且蒲子久廢汾州雖治此而未立為縣故地形志亦無之何煩改為蒲子屬焉者未知何據隋志作周置是也故從之隋開

皇初郡廢四年置西汾州總管府五年改隰州總管府十八

年改縣曰隰川大業初府廢三年復置龍泉郡領縣五治隰

川縣唐武德元年改隰州為下州領縣四治隰川為中縣二

年置總管府領隰中昌南汾東和西德六州三年置北溫州

屬焉貞觀元年省中昌西德北溫四州又以廢昌州蒲縣來

屬仍督隰南汾東和三州三年廢都督府又以廢東和州永

和縣來屬天寶元年改大甯郡隸河東道領縣六乾元元年

復為隰州宋為下州大甯郡團練隸河東路領縣六隰川溫

泉為上縣廢大甯分置之件城縣為鎮入隰川熙甯五年廢

慈州以吉鄉縣隸州置吉鄉軍使仍省文城爲鎮隸焉元豐  
元年帶沿邊都巡檢使元祐元年復慈州七年以州之上平  
永甯兩關近西界定爲次邊金爲上刺史隸河東南路省溫  
泉縣領縣五隰川縣倚天會六年以北京有隰州改南隰州  
天德三年去南字興定五年升隰川之仵城鎮置仵城縣又  
升蒲縣爲州以大甯隸之由是領縣四元爲下州隸晉甯路  
領縣五治隰川爲中縣至元三年省大甯蒲仵城仵城元志  
舊作溫泉  
謹案溫泉金已省矣此不得復有縣當是  
仵城之誤金所置元志無之可見今改正三縣入焉明隸平  
陽府洪武二年省隰川縣入州

國朝因之雍正二年改爲直隸州統大甯汾西永和三縣九  
年又以汾西仍隸平陽析吉州之蒲縣來屬編戶舊二十八  
里今三十一里領縣三

蒲縣 大甯縣 永和縣

縣城 唐武德元年建明景泰二年重修周七里十三步高二丈三尺池深一丈門三南曰崇禮西曰建義北曰歸仁嘉靖間增修高二丈五尺址厚三丈頂厚一丈建城樓三角樓四更鋪十垛口二千一百易以甃隆慶四年補建月城東城外築墩臺四六年重修西北二門萬曆三年修南門及樓四十四年水齧西北隅修復開東門旋塞

國朝順治六年知州王添貴重修康熙三年知州張灼鼎建城樓四窩鋪八六年南北二門圯知州胡文煥修三十四年地震圯知州鄭恂修並南門月城四十七年知州錢以愷重修建南北門樓二鋪舍十二西北隅當水衝砌石爲基乃固以塏自爲記

州境 在省治西南五百五十里

東西廣二百五十里南北袤二百九十五里

東至平陽府汾西縣界九十里 西至陝西延安府宜川縣

界一百五十里 南至平陽府吉州界一百三十里 北至

汾州府蒲鄉縣界一百六十里 東南到平陽府臨汾縣界

一百五十里 西南到延安府宜川縣界一百五十里 東

北到汾州府孝義縣界一百十里 西北到汾州府石樓縣

界五十里 自州治至

京師一千七百里

本州境 東西廣一百四十里南北袤二百二十里

東至平陽府汾西縣界風吹嶺州志作青山嶺九十里汾西縣治一

百六十里少北至靈石縣治二百里 西至永和縣界

原五十里永和縣治九十里 南至大甯縣界胡城村六十

里至吉州川莊界一百五十里吉州治二百四十里 北至

汾州府甯鄉縣界慶豐谷一百六十里州縣作一百甯鄉縣

治二百里州志作二百四十里東南到蒲縣界張莊村七十里蒲縣

治一百二十里 西南到永和縣界高家莊四十五里到大

甯縣治九十里 東北到孝義縣界方上村八十里鳳尾鎮

一百一十里孝義縣治二百七十里 西北到石樓縣界羅

兒溝村五十里石樓縣治九十里

巡檢司在廣武鎮

鄉鎮 東鄉義泉鎮四十里新莊鎮一百廣武鎮一百二十西

鄉羅真鎮五十里南鄉仵城鎮六十里北鄉蒿城鎮十七水

頭鎮九十康城鎮一百西曲鎮二百均莊集七十石口子集

七十

舖遞 北路龐村十五里 蓬門三十里 西路路家峪四十里 許家

原五十里 南路曹城十五里 水隄二十里 桑子三十里 仵城六十里

道徑 東經南峪義泉鎮上莊村至汾西界嶺兒村八十里

又一百里達汾西南由曹城水隄桑子至大甯界仵城鎮六

十里西由龐村蓬門至永和界許原舖六十里西北由均莊

石口子新莊村大麥郊至孝義界方上村一百八十里爲山

徑孔道西北由龐村舖至石樓界羅兒溝村三十五里西南

經設普村十五里至永和界高家莊三十里東由石口子經

康城鎮五十里至汾西界泉子坪四十里爲小徑也

蒲縣 簡缺

春秋晉蒲邑地重耳所居戰國屬魏曰蒲陽漢河東郡蒲子

縣地魏晉隸平陽郡後魏世祖正平二年置五城郡於此又  
置定陽刑軍二縣孝文太和十二年置汾州郡隸焉二十一  
年廢定陽於縣東南五十里改置石城縣又改刑軍爲平昌  
縣仍隸五城郡石城縣尋廢孝昌中郡縣並移治西河後周  
置五城郡及石城郡石城縣後並廢大象元年於石城故城  
置蒲子縣屬定陽郡隋開皇三年又移縣於東北三十里故  
箕城五年改屬隰州改平昌縣曰蒲川此蒲縣之平昌大業二年改  
蒲子爲蒲縣又省蒲川縣入焉隸龍泉郡唐武德元年又  
移於石城故縣東北二里二年以縣置昌州並置件城此蒲縣之  
件常安昌原三縣貞觀元年州廢省昌原常安件城以蒲縣  
隸隰州宋中不改金興定五年正月升爲蒲州以大甯隸焉  
元下仍爲蒲縣隸隰州明洪武二年改隸平陽府



國朝因之雍正二年改隸吉州九年改隸隰州編戶舊九里今三里

舊通志案北魏置汾州治蒲子城孝文帝置石城縣後周大象三年改蒲子縣隋大業三年移置縣治又大業二年置新城旋改蒲縣唐武德元年移縣置於城東今石城新城俱久廢則知北魏汾州治蒲子城乃治石城縣也北魏蒲子注云始光三年置眞君七年併平河屬焉永安中與定襄陽曲平寇驢夷同屬永安郡北齊河清三年亦置蒲子此乃肆州蒲子非汾州蒲子也

五城平昌石城三縣考魏書地形志五城郡世祖置領三縣京軍今之大甯鄉甯刑軍定陽今之蒲縣也太和二十一年京軍改作城刑軍改平昌定陽改石城考作

城平昌定陽皆有二初置郡後卽置忤城縣尋廢此大甯之忤城也未幾而京軍始改忤城此鄉甯之忤城二縣先後不同而非一地周保定二年於忤城三里置大甯縣此初時二忤城也定陽置自世祖在蒲縣孝文延興四年置定陽郡領定陽昌甯二縣在今吉州此同時二定陽也同時二定陽故太和中改爲石城也尋廢石城周復置又廢乃置蒲子縣矣此可以史志考者也平昌爲刑軍所改本在蒲縣非鄉甯境亦與大甯無涉隋志蒲縣又有後魏平昌縣開皇中改曰蒲川大業初廢入焉此蒲縣之平昌也又伍城縣後魏置刑軍縣案當作京軍後改爲武城亦當作五城後又置伍城郡開皇初郡廢又廢後魏平昌縣入焉元和志作開皇十六年據志稱縣

改武城後又置伍城郡則非正平二年所置之郡當卽地形志南汾州之五城郡領五城平昌二縣者此平昌與郡同建正在今大甯鄉甯二縣境至義甯元年析隰州之忤城又置平昌貞觀元年改曰呂香洎上元三年移治呂香鎮愈全入鄉甯境矣五代時乃併忤城呂香入鄉甯此慈州之平昌也亦同時二平昌也此外尙有二平昌一北平昌同時地近故開皇乃改爲蒲川然此實初置之平昌也後之二忤城唐武德二年改忤城爲大甯復於蒲縣置昌州又置忤城等三縣屬焉貞觀元年州縣並廢入蒲縣以縣隸隰州此蒲縣之忤城也不知何時改忤城鎮入隰川貞觀元年以大甯隸隰州又分置忤城縣隸慈州此大甯之忤城也或卽初置之五

城而非京軍所改也此二件城一廢一置亦同時也是後惟大甯之件城存五代又廢入鄉甯金又升隰川之件城鎮爲縣元廢仍入隰川今州東南六十里件城鋪而件城不復再置矣三縣惟定陽一改石城京刑二軍所改初則平昌在東北五城在西南後則件城在東北而平昌反在西南矣均非其舊矣

縣城 唐武德元年所築明景泰初重修周一里七分高一丈五尺東西二門宏治間加修隆慶間開南門濬池深一丈闊八尺崇禎間甃以甃石

國朝康熙二十年知縣朱元裕重修建東門城樓雍正十年知縣趙正勳再修建南門城樓

縣境 在州東南一百二十里

東西廣一百十五里南北袤一百四十里

東至平陽府洪洞縣界分水嶺七十里

州志作東距黑龍關六十五里臨汾縣界

少南至洪洞縣治一百二十里

縣志作一百五十里

西至大甯縣界

鳳臺村四十五里至隰州界件城鋪六十里少南至大甯縣

治九十里南至平陽府吉州界放馬嶺六十五里少西至

鄉甯縣治一百六十里北至汾西縣界安生村八十里

東南到平陽府臨汾縣界黑龍關六十里惡野嶺八十里臨

汾縣治一百四十里到襄陵縣治同西南到吉州治一百

二十里

縣志作一百一十五里

東北到霍州趙城縣界猴王山八十里

趙城縣治一百三十里西北到隰州治一百二十里

鄉鎮東鄉化樂鎮

四十里張村鎮

六十里喬家灣鎮

七十西

鄉薛關鎮

二十里古驛鎮

六十里井溝集

四十里北鄉公峪鎮

七十

卷四十

總舖在城 東路化樂里四十張村岔里七十西路薛

井壽四十里有張莊堡子河

東經洛陽舖化樂鎮四十里東南二十里為黑龍關

十里為張村岔又東南二十里為臨汾界分水嶺此東

南秦晉孔道邑志所謂自平陽而西取崎嶇山徑層累而上

百四十里抵蒲邑是也西經薛關舖二十里經張莊舖四十

里至隰州界件城鎮崇山巨河為西北孔道西南經堡子河

九十里至吉州桃源鎮古抄人行近始開舖舍北經五龍洞

克城村五十里越公峪鎮又二十里至汾西縣圪臺頭村東

北經喬家灣鎮七十里達洪洞趙城為山徑

大甯縣簡缺

漢何東郡北屈縣地晉隸平陽郡北魏世祖正平二年置五城郡又置京軍縣屬焉後又於縣東南六十里置五城縣尋廢太和二十一年改京軍爲五城縣後周屬南汾州武帝保定元年於廢仵城縣三里置大甯縣隋開皇初廢五城郡十六年又廢平昌縣入伍城縣此大甯之平昌後置南汾州二五城郡二縣之平昌五城也十年移大甯縣於廢浮屠鎮大業初又廢大甯縣入伍城縣隸文城郡唐中武德二年置中州於隋大甯故城復改伍城爲大甯縣並置大義白龍二縣屬焉貞觀元年廢中州省大義白龍以大甯隸隰州又置仵城縣此大甯之仵城爲中下縣隸慈州五代時仵城廢入鄉甯宋中金興定五年蒲升爲州以大甯改屬又升隰川之仵城鎮爲縣屬焉元下至元三年省大甯入隰州後復置隸隰州仵城復廢明隸平陽府隰州

國朝隸平陽府雍正二年改隸隰州編戶舊十里今三里

縣城 元右丞時權院使李子厚因舊城建明景泰初補修

周三里四十二步高二丈五尺池深七尺門三東曰迎春南曰興讓西曰興仁城樓三角樓三門外各有甕城宏治間修正德間增雉堞隆慶間重築北寨城建樓增東西關城又築南門外石隄以障河水崇禎七年三面砌石

國朝順治十一年知縣金肇修東南隅康熙二年知縣王國棟修西南二面十年知縣馮應泰修北寨東面及南門甕城二十年知縣王維蕃築東關城四十六年知縣胡文煥重修雍正七年知縣鍾恆乾隆三十一年知縣王嘉濟補葺門垣道光中知縣蓋瑛丁德太王格正杜棠先後增修同治七年知縣杜崧年光緒七年知縣同綬又修



縣境 在州西南九十里

東西廣一百里南北袤七十五里

東至隰州界胡城鋪三十里少南至蒲縣治九十里 西至陝西延安府宜川縣界馬關關七十里 南至平陽府吉州界川莊裏四十五里少西至吉州治一百二十里 北至永和縣界捕狐山三十里 東南到蒲縣界達村二十五里白家莊三十五里到平陽府太平縣治三百里 西南到吉州界內施村三十五里到宜川縣治二百三十五里 東北到隰州界件城鋪三十里 西北到永和縣界撒谷三十五里 蕪家嶺界五十里永和縣治一百里

鄉鎮

西鄉馬關關鎮

七十里

鋪遞

總鋪在城

東路大馮

五里

羅曲

十五里

胡城

三十里

西

路黑城

三十里馬關

南路茨落

三十里川莊

北路

房村

十捕狐五里

道徑

東經羅曲舖二十五里至陽州界胡城村南經茨落

舖四十里至吉州界川莊村西經黑城舖房村要裏村七十

里至馬關關北經房村汎十五里又十五里至永和界捕狐

山胥山徑孔道

永和縣

簡缺

漢狐譟縣隸河東郡後漢省魏別置狐譟縣於漢縣故城西

南五十五里隸平陽郡後魏太延二年省仍於今縣西南五

十里置石羊軍太和中省齊武平元年於曹魏狐譟故城置

永和鎮後周宣帝廢鎮置臨河郡及臨河縣又置歸化縣屬

汾州隋開皇三年郡廢五年改屬隰州十八年改臨河曰永

和以縣西永和關爲名也

太平元和志同

改歸化曰樓山大業三

年州罷胥隸龍泉郡唐

中

武德二年於縣置東和州

唐志析置樓山

縣以廢

貞觀元年

廢東和州及樓山縣以永和隸隰州十

一年移治仙芝谷宋爲中縣元

下

隸晉甯路隰州明隸平陽

府隰州

國朝隸平陽府雍正二年改隸隰州編戶舊十一里今二里

縣城

唐貞觀十一年自狐譚城徙仙芝谷始建元至元間

重築明洪武初修正統十四年展修周三里三十四步高二

丈餘跨山芝水環繞三面門三南曰安靜西曰餞日北曰拱

樞南北二門有樓嘉靖四十五年開東門

國朝康熙十一年知縣王爾楫修西南隅舊有水口歲久漸

塞乃建石洞立鐵柱以洩積水城賴以安四十八年知縣王

土儀加修西城建閣曰迎芝西北城角建亭曰望農以補城之低陷者土儀自爲記

縣境 在州西九十里

東西廣一百二十里南北表一百十五里

東至隰州界許家原四十里羅鎮鋪五十里 西至陝西延

安府延川縣界黃河岸永和關七十里延川縣治一百四十

里 南至大甯縣界東索結六十里大甯縣治一百里 北

至汾州府石樓縣界青蒿結四十五里解家河五十里 東

南到大甯縣界劉家嶺七十里下坡村六十五里蒲縣治百

九十里 西南到大甯縣界大谷村七十五里到延安府宜

川縣界黃河岸干枝溝九十里宜川縣治二百六十里 東

北到石樓縣界宣卷嶺四十五里到隰州界蒿子原五十里

到石樓縣治九十里 西北到石樓縣界下吳底村八十里  
到黃河岸八十二里永甯關九十里

鄉鎮

西鄉永和關鎮

七十里

北鄉桑壁鎮

五十里

岔口鎮

四十里

里

劉臺鎮

四十里

舖遞

總舖在城

北路官莊

十里

烏門

二十里

索駝

三十里

劉臺

四十里

道徑

東由官莊舖索駝舖劉臺舖凡四十五里至隰州界

八里要南由交道口雙山嶺桑壁鎮凡五十里至大甯縣界

東索結西由河口村龍吞泉呼家岔梁家坡段家河大寨嶺

凡三十五里越嶺經姚家山洞王家原凡四十里至黃河岸

延川縣界永和關關南二十里為黃河岸宜川縣界北由川

口村官莊舖烏門舖坡頭村趙家溝凡四十里又五里至石

樓縣界青蒿結土崖峻坡爲中山孔道東南至隰州西南至大甯西北至石樓胥山徑

### 右隰州

舊州

要缺  
衝繁難

禹貢冀州之域州境爲太岳地虞兼并州境夏屬冀州商兼南州境周兼并州境州境爲霍國初封叔度於此後爲霍伯國又爲彘地厲王居此霍爲晉所滅春秋屬晉霍人地爲先穀邑又爲呂氏邑漢爲彘縣屬河東郡莽曰黃城東漢陽嘉三年更名永安魏晉隸平陽郡北魏眞君七年併入禽昌宣武正始二年於州趙城南三里置永安縣治仇池壁建義元年置永安郡領永安楊二縣治永安城後永安縣亦還郡治隋開皇初廢永安郡十六年於縣置汾州十八年改爲呂州

縣曰霍邑因霍山爲名大業二年州廢縣隸臨汾郡義甯元年唐師平霍邑置霍山郡領霍邑趙城汾西靈石四縣唐上武德元年廢郡更名呂州因呂鄉爲名縣屬焉貞觀十七年州廢以霍邑隸晉州宋中屬平陽府金次隸平陽府貞祐三年七月升爲霍州以趙城汾西靈石隸焉興定元年七月升爲節鎮軍曰鎮定元爲下州置霍邑縣州郭下領霍邑趙城靈石三縣明省縣入州隸平陽府國朝因之乾隆三十七年升爲直隸州編戶舊三十里今五里領縣二

趙城縣 靈石縣

舊通志永安辨漢河東郡絳縣陽嘉三年更名永安今霍州趙城汾西境皆是也晉因之後魏置郡縣多名永

安非盡沿漢晉以來故地惟隸晉州之永安郡治永安  
縣城注謂治仇池壁有霍山祠趙城卽故縣地也此外  
元象元年置永安屬五城郡卽今靈石孝昌中置永安  
治白坑城屬西河郡太和十一年分隰城置永安屬西  
河郡卽今孝義太和二十一年隸平陽郡之楊縣改隸  
永安郡卽今洪洞東永安屬秦甯郡卽今陽城沁水等  
地他如隸蔚州之永安卽今廣靈隸廓州之永安郡卽  
今崞繁峙二縣隸肆州之永安郡兼統今忻州定襄靜  
樂五臺縣等地至於元象中置之永安正光末置之永  
安胥屬營邱郡以及湘州之永安郡南郢州之二永安  
郡皆非晉省所隸也隋志西河郡永安注云有雀鼠谷  
谷在介休縣西南水經注所謂古之津隘今之地嶮也



州城 元提控平陽太原兩路橋道霍州長官程榮因舊城築明景泰元年重修周九里十三步高二丈池深八尺門四曰唐谷朝陽汾水鳳棲成化間又修正德間加築高廣倍舊制各置層樓鋪舍嘉靖二十七年東城圯重建三十六年繕各門樓更新名東曰春熙南曰望陽西曰安戍北曰拱極國朝康熙四十六年知縣孔興璉重修

州境 在省治西南四百六十里

東西廣八十里南北袤二百二十五里

東至沁州沁源縣界五十里 西至平陽府汾西縣界三十里 南至平陽府洪洞縣界七十里 北至汾州府介休縣界一百五十五里 東南到平陽府岳陽縣界六十里 西南到隰州蒲縣界一百六十里 東北到汾州府介休縣界

百五十里 西北到孝義縣界一百六十五里 自州治至

京師一千五百五十里

本州境 東西廣八十里南北袤七十七里

東至沁州沁源縣界白背窠五十里少北至沁源縣治一百四十里 西至平陽汾西縣界僧念村三十里 南至趙城縣界二十五里 北至靈石縣界大會頭五十里 東南到趙城縣界杏溝村四十五里趙城縣治五十里到岳陽縣界北平村六十里岳陽縣治一百里 西南到汾西縣界圍相村二十里汾西縣治六十三里 東北到沁源縣界三里溝五十里 西北到靈石界藍腰溝三十里

鄉鎮 北鄉師莊鎮

三十里

南鄉辛置鎮

二十里

驛站

霍山驛

極衝

在城內北至靈石縣仁義驛六十里南

至趙城縣趙城驛四十五里見額馬七十七匹馬夫三十八名半遞運所夫九十名

鋪遞

總舖在北關

南路熬鈴

里十辛置

二十

北路十里

鋪周村

里二十師莊

里三十白道

里四十

道徑

東至沁源縣界北平村六十里深溝峻嶺此孔道也

東南至趙城縣杏溝村四十五里徑僻而平西南至汾西縣

界陳村五里溝十八里西至汾西縣界僧念村三十里西北

至靈石縣界藍腰溝三十里北至沁源縣界三里溝五十里

胥山曲小徑

趙城縣

簡缺

周穆王封造父邑春秋屬晉後屬趙漢河東郡并楊二縣地

東漢永安楊二縣地北魏永安郡永安縣地

史記注趙城在河東永安縣地

晉安 眞君七年省宣武正始三年又於古趙城南三里

置永安縣後復還舊治隋爲霍邑縣地隸臨汾郡義甯元年

唐師下霍邑始析霍邑於故趙城置趙城縣隸霍山郡唐上

隸呂州後隸晉州麟德元年以城少水徙治西南三十里宋

上熙甯五年省爲鎮隸洪洞元豐三年復爲縣政和四年七

月以造父始封地升爲慶祥軍金次隸隸平陽府貞祐三年

改隸霍州元下如故明洪武三年改隸平陽府

國朝因之乾隆三十七年改隸霍州編戶舊三十七里今三

十五里

謹案趙城置縣始於隋季實唐置也據元和太平二

志皆云分霍邑置此特就初立縣時而言太平記稱

縣初置在故趙城縣縣字麟德元年爲城內少水移

向西立即今縣理也考水經汾水又南入河東界又

南過永安縣西注汾水又南與義水合又南逕霍城

東又逕趙城西南

當作又南逕趙城西

又南霍水入焉經又南

過楊縣東

當作西注已正之矣

地形志永安郡治永安城永安

縣治仇池壁有趙城史記注趙城在河東永安縣大

平記霍邑縣宣武正始二年

本作三據地形志改

又於州趙城

縣

縣字

東南三里置永安縣後復還今理合之諸說

是趙城在永安縣境實析霍邑所置也惟趙城所在

迄無定說太平記稱為城內少水移向西立即今縣

理也則必在今縣之東矣乃又稱趙城在縣南三十

五里地望不合且縣南三十五里正今洪洞縣治其

誤甚明太平記又稱於州趙城東南三里置永安縣

據地形志永安正始二年復治仇池壁與記正合則  
趙城東南三里卽仇池壁也今仇池在縣東少南霍  
山西麓霍渠之北去縣治三十餘里古趙城遺址當  
不甚遠太平記所稱縣南三十五里或東字之誤抑  
或本係東南脫去東字也至縣南二十五里與洪洞  
之苗村分界而姚最序行記所稱之洪洞成隋改楊  
縣因以爲名者則在縣南二十里之上紀略村去洪  
洞十五里又三國志稱徐晃爲楊人今其後裔世居  
之徐村亦在縣境汾水之西是初置縣時城北分霍  
邑地又南取楊縣境地以益之以城本在霍邑故曰  
分霍邑置實不盡霍邑也

縣城

舊城屢圯於汾明正統十四年知縣何子聰移築稍

東周五里一百二十四步高二丈池深七尺正德五年重修  
四門各建樓題曰東望霍山西臨汾水南瞻堯都北仰神京  
四隅加建角樓窩舖一十三土陣悉易以甃濬池益深廣引  
霍泉水注之女牆高七尺馬路內外俱寬一丈崇禎十二年  
甃甃南北二面十四年甃甃東西二面

國朝康熙四年地震知縣徐容重修後爲山水冲塌雍正八  
年知縣譚起行繕治門樓題其東曰環青曰擷翠西曰怡雲  
曰霽畫南曰迎禧曰望極北曰瞻雲曰就日道光十六年又  
修

縣境 在州南五十里

東西廣一百二十里南北袤四十里

東至平陽府岳陽縣界馬家莊六十里少南至岳陽縣治七

十里 西至隰州蒲縣界上下本村六十里 南至平陽府

洪洞縣界王開村二十里 縣志苗村二十五里 洪洞縣治三十五里

北至霍州界亂石灘 縣志辛置村 二十五里霍州治五十里 東

南到平陽府浮山縣界中隔洪洞岳陽界郭彭五馬等村六

十里到浮山縣治一百五里 西南到蒲縣界一百三十里

到隰州治二百五十里 東北到岳陽界沙窩裏四十里到

沁州沁源縣治二百二十里 西北到平陽府汾西縣界莊

裴村一十五里汾西縣治九十里到隰州治二百五十里

鄉鎮 北鄉窰子鎮 五里

驛站 趙城驛 極街 在城內北至霍州霍山驛四十五里南

至洪洞縣普潤驛三十五里見額馬七十二匹馬夫三十六

名



鋪遞 總鋪在縣治西 北路衙店里益昌里二十 南路王

開里 屈項里二十

道徑 北二十五里由窰子鎮五女原經益昌衙店二鋪至

霍州南二十五里由落陽堡玉村經屈項王開二鋪至洪洞

為孔道東南由霍州義王村至洪洞南秦村西南由莊裏村

至洪洞萬安村為小徑

靈石縣 簡缺

漢太原郡介休縣西南境兼河東郡彘縣北境後漢永安縣  
北境後魏太和十七年析西河郡隰城縣置永安縣屬汾州  
西河郡孝昌二年州郡縣並陷西河郡及所屬之永安隰城  
介休三縣寄治平陽郡北界永安縣境改隸晉州縣治白坑  
城汾州並所領之吐京五城定陽三郡七縣胥僑置縣境天

平中廢改爲五城鎮南棗北棗二縣隸晉州元象元年復置  
永安縣屬焉隋併入西河郡之永安縣開皇十年因巡幸傍  
汾開道取其平直得石又曰大道好吉乃分置靈石縣以今  
縣西獲瑞石爲名元和後甯初屬霍山郡唐上初屬呂州貞  
觀中州廢屬汾州宋中如故金貞祐三年割隸霍州仍析置  
小靈石縣四年五月復隸汾州元下隸霍州至元二年省小  
靈石縣入介休明萬厯二十三年改隸汾州府四十二年改  
隸平陽府

國朝因之乾隆三十七年改隸霍州編戶舊二十五里今五  
里

謹案地形志汾州太和十二年置州治蒲子城孝昌  
中陷移治西河領郡四縣十西河郡晉亂廢太和八

年復治茲氏城領縣三縣城介休皆太和八年置永安太和十七年分隰城置其三郡吐京五城定陽皆孝昌中陷寄治西河又晉州西河郡本汾州西河民孝昌二年爲胡賊所破遂居平陽界還置郡領縣三同汾州皆孝昌中置永安治白坑城據此分屬二州則郡縣各非同地隋志西河郡領縣六三縣皆在乃汾州之縣晉州三縣不知廢於何時大抵皆併入永安矣地形志晉州五城郡天平中置領縣三南棗北棗皆天平二年置永安元象元年置是廢而再置也各置永安縣汾則今之孝義晉則今之霍州隋始置靈石於其間孝昌中所居平陽之界當卽在此建義元年始於永安城置永安郡此時屬平陽郡縣同治白坑城其後遂併入汾

之永安耳又考不第郡縣同治卽汾州與所領之三  
郡亦同治據志稱孝昌中寄治西河乃晉州之西河  
孝昌中所寄者非汾州之西河治茲氏城者也史稱孝昌元年山胡劉靈升白稱天子天平三年高歡始討平劉靈升此卽孝昌中陷胡僞置州郡天平中復置之始末也

縣城 隋開皇十年建城置縣元至正二十四年同僉朱員  
因舊城築高二丈厚八尺明洪武間重修正統間展闊北面  
三百餘步計周三里一百八十八步高三丈九尺濠二道深  
廣各八尺正德間重建南北城樓四隅角樓後山水暴至東  
城圯旋修復嘉靖間再修甲辰汾河溢西南城復圯補葺如  
舊隆慶間增高六尺幫築裏城七尺甃甃女牆門樓舊惟有  
南北二門萬厯元年闢東西門額其東曰聞絃西曰樂泮南

曰正明北曰承恩三年水溢城又圯乃砌城角石堰建東西城樓及南甕城敵樓四窩舖十復建穿廊防東南山水

國朝順治六年知縣趙希晉重修康熙四十二年知縣梁國光重修窩舖並修築南北城及門樓嘉慶二十五年知縣江心筠再修

縣境 在州北一百里

東西廣一百九十里南北袤一百五里

東至沁州沁源縣界牛鼻山九十里沁源縣治一百三十里  
西至隰州界回龍村一百里少南至隰州治一百八十里  
南至霍州界白道村五十里霍州治一百里 北至汾州  
府介休縣界義棠堡舖五十五里介休縣治七十里、東南  
到霍州界雙廟村七十里 岳陽縣治百八十里 西南到平

陽府汾西縣界道美村六十五里汾西縣治九十里一東北  
到介休縣界侯堡村四十里張蘭鎮百二十里西北到汾  
州府孝義縣界安生村六十五里孝義縣治九十里到汾州  
府治一百二十里

驛丞兼巡檢司在仁義鎮

鄉鎮

北鄉水頭鎮

五里

兩渡鎮

三十里

冷泉鎮

五十里

南鄉坡

底鎮

十里

高壁鎮

二十里

仁義鎮

四十里

西鄉雙池鎮

驛站

瑞石驛

極街

在城內北至介休縣義棠驛八十里南

至仁義驛四十里

仁義驛

極街

在仁義鎮南至霍州霍山

驛四十五里二驛見額各設馬七十七匹馬夫三十八名半

廠夫九十名

舖遞

總舖在城

北路河洲

十里

索洲

二十里

曹村

三十里

冷泉

五十里 南路竹竿里 高壁里 常山里 仁義里 大會頭

五十里

道徑 南五十里達霍州北四十五里達介休此孔道也亦險道也東至石臺村一百六十里沁源界東南至雙廟村七十里霍州界西至道美村六十里汾西界又西至新莊村一百里隰州界西北至東安生村六十五里孝義界東北至侯堡村四十里介休界左右晉巨山深溝此小徑也

右霍州

以上河東道二府四州

山西通志卷二十七